

兩  
浙  
輶  
軒  
錄

兩浙輞軒錄卷三十九目

正崑 通復 通微 銘起 性琮

智遜 成回 斷流 一覺 本晝

紹鍾 德戒 超源 行筏 超質

碧雲 驚上人 德衛 行深 宏修

智舷 通門 通奇 浮石 宗泰

激恬 淨憲 佛第 嶽砒 澄園

心默 元暉 常岫 超月 宏備

明孟 明懷 如曉 本圓 等安

大瓠 海懷 海岳 超默 大燈

明通 真珏 清一心印 元智 宗龍

聖潛 大熙 祥超 廣節 正提

道權

德雲

南潛

行宏

智照

行瑩

智慎

智恒

懋方

祥毓

元宏

宗音

正普

振濟

超凡

真悅

正解

普映

大涵

超韜

彬遠

靈睿

德音

本源

超復

超源

寶彰

超直

靈傑

大閒

元璟

觀我

宗相

無名和尚

超奇

元尹

端文

名一

本白

瑋堂

如理

復顯

際源

上緒

明中

篆玉

成鎖

寶懿

得信

明乾

淨泓

寶月

見賢

實寧

明翹

徐斗支

陳泓

陸微

施遠恩

王蘅

錢一清 林朝陽

兩浙輜軒錄卷三十九

督學使者阮元

正崑字詒堂餘姚人生

漁洋詩話徐繼畲字世臣武林名士亂後為浮屠已正

崑字廢堂為詩清麗不落凡近一字畧其絕句數首

坡公所謂無

池北偶談正崑禪師賦詩清麗予嘗見其同凡集二

卷愛之畧不數首皆無香火氣唐宏明集中所少

漁洋文畧遊雲谷寺記上人貽畧堂詩自蔣

陵至青溪迷盡其卷湯休那道猷之流也

越風畧堂詩體俱極清俊

與慎僧若雪詩並重海內

姓江詩存畧堂同凡集極為王文簡所推許咸舊集錄

存其詩然漁洋詩話以畧堂為杭人則誤矣然堂本姚

絕句

御教場中月直時下山全不道歸遲三松影落平湖月一路

沿鐘到淨慈川下由御教場下

兩浙輜軒錄卷三十九 正崑

湖上晚歸

我家北峯裏雲木何依微日暮空翠合飛來沾我衣松月如  
有待水禽相與歸隔林幽磬出隱隱發清機

黃巖小橋甚佳喜題一絕

橋花如雪憶長洲橘子黃時到古甌多謝吳天憐夢遠飛霜  
暖出洞庭秋

黃巖送方孟培歸寧海

在遠無相識逢人似故鄉寒潮連桂棹春雨別松陽柱折江  
瑤脆杭炊楚玉香歸歟及耕釣烟水計何長

聞琴

密篠拂瑤石蒼苔橫素琴俄然青松樹爲我成幽吟風靜半  
溪月泉鳴何處林遙從絃指外一見古人心

春暮過月公山巷

清溪初過雨衣衲受微風一徑松陰裏孤帆夢浪中山幽便  
靜侶雲嬾似衰翁容易將春老當杯莫放空

靈江舟中

西湖見月別湖潯月半臨江江月深幾聽棹歌諳越調漫隨  
人語作鄉音風腥曙枕潮頭長鹵澗寒裘海氣陰便是東流  
亦辛苦與君同負住山心

湖心亭同諸子晚眺

夜氣始闌如鴻濛孤亭獨立湖之中纖雲絕點太清裏片月  
忽來滄海東偶一長嘯衆山響白雙老眼萬古空兩峯西去  
青不盡總屬藕花垂釣翁

通復

字文可號冬閑老人嘉興明氏子著冬閑集

西軒齋汗家

卷三上通復

楊李詩藥文可求世儒者多病出家梵誦之餘呻吟不  
懷初參天童深明禪理於儒家書無所不窺詩宗浣花  
書法松雪好事家爭乞之所居屋名夏木軒松杉交蔭  
磊石盤曲焚香把卷其下晚年遊東粵歸格律益高曹  
侍郎伏岳稱爲異友詩  
六百首有專藥行世

### 送朱人遠入蜀省覲二首

棧險秋冬際西來有問津巴山元近楚劍閣未離秦迢遞驅  
行子艱難拜老親郡樓花早發萊綵正宜春  
盛氣看雄劍因深弔古哀空山夏禹廟春草越王臺揚馬人  
何在乾坤眼獨開登高須載筆好識大夫才

### 春日松山

小磴容深坐苦連醉容茵晚風松落子晴日草浮春石通孤  
支屋橋危側過人回看雙屐路又見落花新

### 答俗圃夏日見懷



不見中林使炎飈月再過興傳詩札到愁破草廬多曉色開  
春雨新涼到綠蘿何當狎猿鶴分樹伴金陀

酬陳堯夫

重到寒灘訪舊船踏莎猶記菊籬偏窗遙林散經時雨厨冷  
禽窺過午烟杖笠路難搖落後登臨事異亂離前知君未肯  
論湖海閒數飛鴻過晚天

和答蔣佩聞二韻兼懷少典子誕

谿回白苧晚悠悠背郭柴門老一邱春盡懷人無過雁日斜  
隨我數歸鷗雙懸戶外千峯屢獨上江千萬里丹風雨別來  
花信促酒旗飛處落紅稠

通微

字萬如嘉興張氏子

携李詩繫萬如年十九出家受具歷參名衲路傍聞叱  
小厮云看汝藏在那裏去不覺躍然大悟得法于密雲

老人主曹山  
復生龍池

與本微禪人

策杖尋君偶上臺  
白雲深處見歸來  
隔年記得談詩處  
門外刺桐花又開

山行

村落自僻遠到來塵慮消  
雲霞留福地松檜盡前朝  
樵斧虛巖谷仙書別院鈔  
羽衣何處客相引過虹橋

銘起  
字墨菴嘉興東禪寺僧著學園集續集

朱彝尊  
字白墨菴俗姓沈名起字仲方少業儒讀經不治傳註每自出山意解問者解頤年近三十始列青衿中年

以後入東禪寺  
為浮屠

諸錦曰墨菴嘗有瀑水為簾湖  
水鏡小孤如臂大孤鞋佳句也

錢仁槩曰墨菴為前明文學沈中畏孫學使許手錄他  
博士弟子後走東禪寺薙髮為游覽者書法宿儒學圃

集入卷續集一卷宗門近鈔二卷康熙壬戌病歿遺  
明年曾學使王孫葬於東禪寺東南隅并爲塔銘

### 西湖

風起雲生山欲愁  
凌空雨脚過山樓  
不知湖面寬多少  
埋沒羣峯不出頭

### 宿彭澤

帆影收南岸  
江聲斷不流  
秋高彭蠡澤  
雁下荻蘆洲  
一水天無際  
千山月上頭  
墟烟人語雜  
鄉思倍悠悠

性琮

字白法嘉興傍  
錄寺僧著刺草

### 夜坐

新涼微月上  
雜坐小庭前  
莫更燒明燭  
飛蛾絕可憐

智趣

又台制書字天山號拙庵  
秀水沈氏子別溪情舍僧

梅里詩輯拙庵詩格老氣蒼思深味永可與黃梅冬閑  
伯仲別溪在梅會里之南水木清華塵器遠絕拙庵愛

雨浙輜軒錄

卷三十九

錄

卷三十九

四

之構閣者其間門聯云繞屋四圍都是水隔林一片不多山山勝可想既歎遂痊骨焉或指爲吉壤毀巷而發其能體堅不壞髮長數丈手爪繞身者十餘匝矣

春暮憶金庭山西塢舊居

林曦射春暄溪颺薦朝爽感此懷昔遊金庭積餘想巖扉豁  
深秀窗竇敞晶晃風清砌卉敷雨急杉子響况有同心侶歌  
嘯諧勝賞香新焙茶薺水落翦孤蔕蔕折奇字激墨掃懸  
榜握子算初勝展詩技潛瘖怪石蹲齋屨危潭窟蛟蟒洞古  
時聞竈葛欹鬱垂幌秋清跋藤樓月出蕩蘭槳幽軒足琴釣  
窮壑寡輪鞅孤情樂高簡經歲堅遂養牢落昔數編逍遙履  
幾繡草衣葺芙蓉木食舉栗橡竹鏘玉萬挺松走濤百丈天  
游恣盤礴雲卧隨偃仰浮踪忽淪西清境落天壤魂夢時復  
過形跡詎能兩念此神欲飛北望增怏快

山莊秋興

林麓下秋鴉滄浪歌夜漁拾枯燎松火照見牀頭書節養草  
木晦嘯傲游息餘餐彼籬落英保此窮巖樗

曉入賀九嶺

舂泉隔林響虬松攖道左疎雨激靈籟陰飈列鬼火出谷附  
藤蔓停輿拾山果荒寂無行蹤濕翠自環裹

從礪橋行經西塢書寄孤松閑士

獨行不求侶煙嵐媚深谷危巖聳栖雲空亭濺飛瀑花綴晴  
枝紅水搖春山綠清暉散羈愁野趣澹幽目始來一舒嘯坐  
久氣彌肅翻恨良覲遊誅茅就君小

過雲梁上人新構

小築半依樹扣門初謂山鳥廢人語寂香對道心閒苔屐乍

留齒竹齋宜置顏坐憐谿酒碧幾點落花殷

山閣

秋光已如許涉澗采芙蓉人在清空裏山當紫翠重鳥啼參  
客語虎過露泥踪松際畱明月聲傳何處鐘

閉關

無因吟眺一開顏訪客晨稀且閉關寒近麥黃逢賽社雨添  
桑綠漸遮山心期語默同清後品在高情兩可閒晚日虛堂  
禪晏久癭爐香爇鴈鴒斑

暮春雜興

曉詩詩伴蹋晴沙望裏青帘颺杏花坐傍紅橋薄芳草好山  
多被綠陰遮

吳山

石路崎嶇一蹇駘  
斑花如繡鳥如歌  
白雲卷盡春寒薄  
放出青山爾許多

成回

字藉華山陰人顯聖寺僧

朱彝尊曰成回不知何許人示寂于越之顯聖寺或曰崇禎癸未進士嘉善錢默

雜感

本質深山與世違  
探書禹穴澹忘歸  
鐘沉古寺寒燈滅  
雨過中林曉月微  
花裏子規愁客路  
船頭綠水漲征衣  
六千君子風流盡  
空見春城柳絮飛

斷流

本名渡以字行瑞安廣照寺僧

夜泊石帆

峭壁截千仞  
停篙泊孤舟  
日落灘聲急  
波迴天欲浮  
良辰忽已晚  
行役何時休  
舟子辨風色  
看月西風頭  
渚香蓼花冷  
露

白兼葭秋青鐘何處發客夢方悠悠

一覺字悟生號筠軒瑞安九峯寺僧著錫餘集

山居次韻

紛然塵事那堪論得透禪關道自尊  
窗閒雲分半榻催鐘  
明月進重門  
瓶花欲放西來意  
梁燕如傳北度言  
萬物變遷皆有數  
孤山真性永存存

本字天岳號寒泉子會稽平陽寺僧著直木堂詩集七卷後集一卷

紫英曰盛唐多與名流贈答製題命意頗有名士積習閱詩宗盛唐多與名流贈答製題命意頗有名士積習不失為墨名儒行惜前集未見今所錄者皆出

於後集集名直木堂與同時雲門僧本皆詩同朱文藻曰澤本書撰直木堂詩集七卷為浙中承經進本謹案

欽定四庫全書錄入存目提要稱此集乃晚年所著凡詩四百餘首不作禪語絕無僧家蔬筍氣故李鄭兩序曰非有人作序幾不知為曲蘖座上人也餘姚黃宗義稱其五律上人王孟之室次不落大雅以下則似約過矣



過黃廣文左平署中

元晏先生信獨奇  
道心微處少人知  
長嫌醉後詩成癖  
自種秋來菊幾枝  
官署一清資寄傲  
文章多變笑因時  
山僧愛比浮雲過  
新摘園蔬向午炊

村南

村南溪北暫相尋  
衣履全忘曉露侵  
紫燕人家花徑仄  
野鷺天氣枯園深  
自知短弱無他好  
誰對衰遲展素襟  
數到月終猶穀雨  
愁拋茶蔕老巖陰

書懷

新製竹皮冠無座  
對竹彈惜時嫌月小  
作夢稱心難鶴至  
茅檐迢天高歲事闌  
今辰能力疾山愛雨  
中看

寄許勁菴

古寺相過憶昔年放歌心遠竹林偏雙柑共走黃離地短髮  
重梳薄莫天五載自知成浪跡北窗遙隔想高眠秋來莫道  
仍多事望斷江南山盡連

紹鎮

字即空蕭山竹林寺僧著竹林吟草

蕭山縣志竹林寺自南宋以來世傳醫學紹鎮獨工吟咏與越中名流相唱和

同周次修居士登越王城

涉湖尋勝躡山城一望春波兩岸平雨霽桐花如練色風過  
松葉作濤聲林泉待客憐遲暮雲水於人何送迎勾踐當年  
遺跡在登臨題弔不勝情

德戒

號雲谷餘姚僧

次韻答邵萊園

爲道身安意不開情分兩地轉如環萊蕘夢台三三路青草

湖通六六灣，隔院鐘聲來。夜雨半窗花，影落空山苔。痕似繡人踪，少寂歷禪心，只閉關。

超源

字自覺號靈溪嘉興李氏子靈源寺僧

畫竹

勁節峻嶒分外清，捎風弄月數枝橫。偶然挂幅桐溪上，夜半寒窗竹鳳鳴。

行笈

字應崖秀水梅里陸氏子觀濶精舍僧普觀濶自雲等草

梅里詩輯懸公爲牧雲和尚付法弟子選地千古南西北百武築精舍三而臨流最爲幽勝牧雲名之日觀濶其後住古南院數年後退老西溪之上終焉

懷問青士

一雨清和後，衡門景物饒。重雲歸萬壑，芳草徧雙橋。插竹編籬菊，開林護藥苗。知君能物外，白社不須招。

雨浙輞軒錄

卷三九

紹興德戒超源行笈

超質

字石璞平湖曹溪寺僧

秋夜宿三河

黃昏依古岸漁火照沙洲秋滿千山白灘銜亂石流推蓬光  
入枕繫樹影移舟不識誰家子清歌水上樓

碧雲

上虞人俗姓趙氏名甸南字禹功後出家爲僧

蔣晴傳畧曰碧雲性耿介時倪先生元璐能汲引有欲爲介者持不可詩在嘉州石梁間工書畫甲申後棄諸生業爲僧已復授經書畫以易衣食顧亦不甚惜

居偈心寺

怪爾山容淡因無與我宜風飄新落葉日照舊疎籬荒陌棲  
寒羽殘荷蔭紫龜抱琴松樹下此樂少人知

鷺上人

武林僧

碧溪詩話乾隆戊申重九日余至上天竺白雲山房與省齋師茶話論詩省齋出詩稿一冊首尾缺佚無時代

名字可改據稱得從鯨音山房所藏山房住僧相傳是  
培風上人于稿余獨歸細閱其詩起于明末終于康熙  
初年皆有干支紀年詩中紀住持之處曰茗溪夾山漾  
禾中富陽及閩中而在吾杭則注意西溪詩是晚年所  
作所到之處無庵寺主名不知其曾在何處也今以詩  
中題有鶯字是其名下一字姑稱之為鶯上人以其晚  
年注意西溪定其為武林山僧不敢專屬之鯨音房也  
又按朱浩齊因鶯得聞集有鶯上人自天台歸謁宿偶  
占詩云錫飛桐柏十年閑餌列伊蒲半日陪西向轉成  
東向樹南枝閑到北枝梅煮茶白剪蘭芽雪煖芋黃燒  
豆藁灰清話不知寒夜永蓮盞又聽五更催未知卽此  
鶯上人否姑附識之

東遊雜咏

霜氣凜寒蕪平原接故都  
語音隨土服風景入桑弧  
眼共水天碧人同草木癯  
布帆千里月連夜到姑蘇

富春道中

隔浦林凝雨沿江路人雲  
人煙深柏栗田水半耕耘  
冷市岩陰合荒亭村界分  
牛羊知宿處落日自歸羣

種菜

西庵乞得稚蔬回  
童子迎寒剛薺皆根弱  
正宜連夜種地陰  
須得面陽栽一籬  
疎雨催鋤急半畝  
青霞逐指開猶計  
早安  
蕪甕在齊厨好約  
故人來

覓水

穿雲通一綫  
屈曲自能趨客夢  
天青雨童呼水到厨  
性宜人  
淡薄影訝鶴清癯  
好謝尋源者  
錯頭興不枯

夾山漾

在西吳卽顏魯公旅生處也

臺殿蒼茫際  
尋鐘到渡頭  
濤聲吞萬嶺  
雨氣壓孤舟  
捫碣傷陳跡  
登樓憶舊遊  
但知濠上樂  
誰識魯公憂

秋興

閒尋松子種  
猶灰行到山隈  
復水隈  
秋氣想能私  
蔓草洞出

七月野花開

雨夜投宿永慶寺

雷雨千峯薄，宵冥崩崖忽。露照泥星行，隨細路投孤磬。人在疎林話一燈，嘯咏已疑鄰木客。陰晴何必問山靈，朝來却怪衣裳濕。草閣眠雲夜不扃。

乙酉鳳鳴寺除夕

城角寒花漫笑人，浮生總是未歸身。歲交蘭若遺清寂，客到烟霞忘主賓。蓮漏暗移香閣夜，重闔不禁渡江春。獨憐烽火江南道，明日年從何處新。

燈後六日送友之閩

春雲渡水雪初晴，路軟新泥草漸青。今日主爲明夜客，下山人別上元燈。棹頭風月歌桐浦，馬首烟霞望建寧。若向延津

師初集卷之三  
潭上過慎無彈鋏動精靈

歲寒松柏

草草花花日日新未知誰是歲寒身  
南山若使無松柏天亦無秋但有春

癸巳天寧寺除夕同周仲榮賦

垂歲寒雲古寺屏鐘聲時緒兩依依  
梅嶺不感春先到燈語如嗟客未歸  
菩薩橋頭冰屐定將軍幕上雪鳶饑  
天涯好友忘泮水夜半題詩補衲衣

宿沙縣

魚竿巷口鳳橋東古市蕭條夕照紅  
雉堞半侵山影內人家全在水聲中  
樹餘兵燹花重發草葺旗亭路已通  
聞道關門重嚴詰扁舟還許帶春風



山店

山店何荒涼，客不能臥。鼠笑石鑪虛，猿欺茆屋破。

德衡

字高進，號栽松道人者。

德衡，湖壁氏子，松在卷對。烈號蟠真，平湖諸生。後從雲隱寺受度，歸乃易南田隱舍，為松在卷以終老。

飲白龍湫水懷李孝廉潛夫

一勺恩靈蹟，高人心與同。攜瓢就寒碧，敲火試松風。爰罷起長嘯，寒寥遺韻空。

行深

字山年，自稱山道人。平湖曲水，清舍僧著，寄寄吟。

同老貽詩次韻

世路多岐在，勞生未有涯。喜君來竹戶，同我飯松花。葢靜揮談塵，溪喧過釣槎。閒身游物外，烟樹望中斜。

宏修

字晚林，一作梵林。山陰祁理孫弟。名班，孫字奕喜，後入靈巖山為僧。

紹興府志 旌佳殉國時班孫年十四性敏慧學為詩時  
 同邑朱士雅慈孫塊排歸安幾續會班孫與之遊館耕  
 于家詩曰益進順治十八年排續會俱以  
 罪見法班孫出流寧古塔尋放歸為沙門  
 越風咒林為忠敏仲子被魏排累戍塞外時宜與陳璘  
 衛王亦以季父林述在邊為忠難交陳君先歸呪林送  
 之曰君歸遇急取我贈筆敲之當得解既而陳君病風  
 腫困甚犯筆敲几上管中語一索線香氣襲人抹之疾  
 如掃矣其異如此後遇赦南旋人靈巖山為僧化時傳  
 端至王筋尺餘老僕囊其骨歸葬寓園妄死邈外同日  
 機至人  
 益與之

舟至彤園

存水一帆孤登臨此外無柴門深種竹高閣迴臨湖野色橫  
 襟袖山形人畫圖徘徊少人跡來往有啼鳥

題畫

古寺深村萬壑青碧谿綠樹小茅亭何人解得此中好日午

高眠夜誦經

智艮

字奉如一字秋潭嘉興人

秀水全明寺有黃葉庵集  
諸錦曰詩繫稱黃葉山人行脚三十年道頗堅重諸方  
禮為耆宿而不說法領眾不立侍者書記詩名滿東南  
而無專集曰環品字柴支折脚僧吟  
黃葉庵中發為詞章實足邁今軼古

寒山訪靈谷

寒山太湖東二月雪埋塢時有天耳師巢居類巢父春秋未  
半百氣格自高古清泉凍連底蹲石怒獅虎此中除梅花無  
物入巖戶

題畫

林無樵雲者溪有釣雪叟山前山後村虎跡大如斗

通門

字牧雲號樵叟常無人在  
秀水古南院有懶齋詩集

梅里詩輯廣豐橋之所舊有社巷崇禎間僧依蓮居此  
後有小池忽生蓮花不由種植于是道俗嗟異布施踵  
接招基構殿現模宏整首請天童密雲老人來主講座  
易名古南院與相從為書記密雲居未幾付法于叟命

主古南會世鼎革儒門淡泊之士咸歸法會一時稱盛  
古南達為名利場也凡七主叢林宜揚宗旨力護法門  
實為臨濟龍象其論文曰譬觀平湖微風未來澄澈若  
鏡幸與風遇其初也若殺其漸也如鱗風或高其變也  
如千鷲躍風又甚則洶湧澎湃如萬馬騰厥其至也則  
層波疊浪噴激如山震心駭目莫知其所謂矣風耶水  
耶向心于其間蓋天地間一種大化機也若持杖畫波  
俾其躍躍豈自然變化者耶又述天童老人之言曰作  
韻語宜帶偈意觀其持論可以知其詩矣集甚富茲于  
豫章得其後集先就所見輯之句如竹風吹岬細霜月  
向人圓今人臨水曲明日是春分遠峰泉暗落古  
寺樹重圍庭花雲去白山樹雨來青語皆瀟灑  
寄懷毛潛

一別又三載千里情依依昨來陟危磴白鬢筋力微同聲幸  
相存清吟不我違白雲簷下指黃鳥林間飛空山寂無人草  
木清且輝洋洋春雪調落落古所希永懷睂山老遙話箭鋒  
機

余琴川回權潛翁特來追訪余之所至翁亦至焉入破

山抵雲半居再達郡之西華山皆先後不數日而余  
又過石湖瀕西資精舍松陵之折蘆菴所謂池上也  
翁謂余蹤跡杳不可卽疊前韻見寄余讀之喟然答  
餘生一無嗜山水輒相依扁舟歷湖濱日日行翠微空濛各  
有得欸乃何相違聿看叢葦生坐惜春花飛梅實漸已黃清  
池澹無輝委形入窮谷足音安可希放懷讀君書爛漫杼天  
機

遲毛潛

迢遞南徐路煙霞有舊盟欣逢片帆影深話半秋情山爽收  
雲氣江空度雁聲寺門閒佇立松月上初更

登小華山

石徑迢迢上嶺頭嶺盡纔轉見重樓九華誰謂分來小一日

長江已盡收

通奇

字林野四川人天童僧

臨平詩繫通奇十歲薙染十九南遊遍歷講席丁卯掩  
關平湖德藏寺一日失足墮樓大悟遂破關走姑蘇見  
偈和黃問清涼庵隨入天童人稱林古佛後從悟至嘉  
禾寓黃閣齋素園中受付燭焉乙酉主法天童通元峯  
頂納子奔趨冬夏布衣草履  
備歷艱苦塔於太白玲瓏巖

別嘉禾黃閣齋譚埽菴汪曾城諸公

兩載邨居意始舒綸竿未許下沮洳而今舞棹浙東去太白  
潭深有巨魚

浮石

姓趙氏居平湖青蓮寺

儒李詩繫浮石父老無子憐神得生十三歲不茹葷上  
九欲為娶婦遂至普陸禮結宗禪師施染三月歸省親  
為勤絕乃蓄髮日閱釋典母曰汝既決志出家但無遠  
去山是復制度受雲情蓮也大師或隨莊和向開講海  
唐天寧復隨至嘉興東塔後住海鹽鸞窠山養親喪葬  
畢赴東塔請復上天童後隨水師密雲和尚至嘉禾黃

履素園舉拂授之履素曰予昨夜夢小園池中開五色蓮乃應今日付浮大師豈不異哉是冬退居平湖青蓮寺復往報思終焉

參金粟本師密老和尚

日脚垂來雨脚收  
幾村晴樹引孤舟  
問津曾未迷前路  
到寺  
渾疑見昔遊  
桑鼓遠聞金粟外  
海光直射石鷗頭  
幸生斯世  
逢斯老  
得入拈花第一流

送一拙歸徑山

白雲堆裏冷難辭  
鍊得身心百不知  
試問凌霄峯頂月  
何人  
先見上松時

送聚之遊黃山

七十二灘一客舟  
上崖不必問徽州  
白雲成片風吹散  
三十  
六峯多露頭

宗泰

字古宗 徑山高庵僧 著閱世堂稿

携李詩繫宗泰平湖德藏寺僧受法於費隱老和尚時喜濡墨作艸草或作小畫後復住徑山高庵自稱高庵道人 柯魯山謂其詩凡三變而益進有閱世堂稿

苓山夜話

春日思雙徑苕溪取道還十年勞夢寐兩度到苓山庭柏依然古苔花似舊斑閒雲忙出岫何處有人閒

無垢寺

在天目之麓梁昭明太子緝經處

一徑當門細無人竹戶開古藤緣殿角老柏舞荒臺日射松池走林昏石虎埋斷碑橫古道繡徧六朝苔

懷高庵

高絕懸崖處吾廬向此分烏啼寒澗竹樵語石林雲樹裏江光遠窗中嶂色紛夜深群動息天籟定中聞



激帖

字張高海亭葛氏子嘉興幻居菴僧

錢仁榮曰素言幼雅染于嘉興幻居菴遍歷諸方不受付囑諸生項奎司寇馮景夏高其品肯友之

和瓢隱兄惜春

夢想匡廬隔萬重膏肓泉石結心胸東風只解吹花落不肯吹人上五峯

淨憲

字匡雪秀水浦氏子著棲賢詩集

錢仁榮曰匡雪間法梵受後移顯聖

西峯對雪

索莫坐寒峯空堂抱獨影顧盼杏林邱出入絕人境竹欹側徑深松偃當門冷疊嶂抽枯泉高梧凋廢井四壁萬籟空一室衆香靜寧和清漏沈但覺寒豎永我忘愛吾廬誰與樂斯景愛息羣物遊遂得諸慮屏歲月悲滿流身世嗟浮梗人心

何悠悠余懷徒耿耿廢卷一長歎頽然發深省

佛第

號心空永  
嘉仙巖僧

陳世修曰心室本姓項名世臣字非喬遂昌人巾丞應  
祥孫也為邑諸生尋棄去事佛駐錫甌之仙巖工詩余  
從毛克亭王羣禹鈔得若干首并附梅  
花百詠于後吉光片羽亦是凌轍時賢

梅花

春意初回江上村玲瓏幾樹澹波痕荒烟一徑斜依竹積雪  
深山半映門對我有心來翠羽向人無語立黃昏登樓不辨  
香何處蝶夢尋來亦斷魂

綠往

字令問號面菴石門徐  
氏子海寧安國寺僧

錢仁榮曰面菴出家安國寺受天台宗泰溪法師付囑  
開講席于邑之瑞像菴康熙庚午重興嘉禾漏澤教寺  
老竹

泥跡藩籬歲月深龍孫鳳子已森森冰霜歷受君知否不負

凌空一點心

澄園

號文谷山陰大章寺僧雪痕錄

蔡英日文谷爲懋方高足善畫蘭竹工詩與傅月樵程拙菴朱雪君唱和董楷逸詩府十家雪痕錄其一也

贈宋居士雪君

縱橫健筆鼎獨扛才齊潘陸海與江青袍白袷時過我柳瓢  
寫酒撲春缸胸中磊砢澆不得鏗鏘金石交擊撞鳥啼花落  
對六窗騷壇牛耳北面降拈來信手都妙諦讀罷高辭折幔  
幢

心默

太平丹崖僧

同趙居士人瑞遊左勝堂晚宿

古利無塵事秋風客意清當軒山月上傍榻水雲生衣落松  
間影詩吟竹裏聲坐涼過夜半只恐曉鐘鳴

元暉字瞻微蓮

雲棲齋詩話上人住城東蘭若康熙癸酉夏日作納涼

圖長卷卷繫以斷句顧丈月山題竹深荷淨四字于卷端

復乞其友王昨丹龍周京敷文吳儀一舒鳧毛宗文建

平吳允嘉石倉賦詩于後上人筆墨流麗在麓臺元照

之問尋歸家石倉翁攜之行笈中出示陳恭尹元孝毛

奇齡西河宋舉漫堂吳之振孟舉沈漸度汪沈三會尹

斌韓純王子蓮徐仲蘋村馮景山公吳陳炎寶崖徐志

華商農沈樹本厚餘共相鑒賞前後題咏名跡燦然歷

今七十餘年蟻轉流傳靡不珍網復藉滿幅今為梁山

舟侍講所得重加裝璜與金氏介山書云兩入同在貧病

不忍釋手又云鑒微與金氏介山書云兩入同在貧病

中買書員畫典與一失後悔莫及兩人嗜好如此據頻村

計較價値交臂後所藏愛玩盡散失而鑒微蓮舍今詢

先生策介山無復有知之

之東城居人無復有知之

者物換桑田况書畫乎

題納涼圖

柳綠荷香近水濱納涼忘却暑中身清風不用一錢買能消受者使主人

常岫字春林別號儒翁又稱松阿樵者姓

桐李詩繫常岫生於京師十五歲薙髮於大千佛寺爲  
法華老人之孫性沉靜喜讀書與人交無貴賤皆敬禮  
之所居堂前有古松數株吟咏其下怡然自得如是者  
三十年慕永嘉天台諸山水思歸老於浙高潛人詹事  
日傳數以皮屐八月入園已巳七月示寂其詩高簡冲  
淡

高詹事潛人得當湖馮氏耘廬舊業分館一區爲余卓

### 錫地漫賦志感

杖錫窮幽徑居然是辟疆愛鷗先浚水馴雀亟謀糧金粟園  
香國曇花落寶牀嗟余遲暮眼煙月近微茫

去郭五六里舟行多板橋到門仍隔水入塢不逢樵荇淨波  
如拭簞低鳥故嬌長林真得地不枉主人招

### 漫興

兩浙翰軒錄

卷三十九

元暉 常岫

情得名園水一灣老梅修竹幾重關  
忘機且住因鷗狎抱膝成吟待雀  
還剩土欲栽蔬脆美新苔任點石  
斑爛青青黯黯君知否絕勝他家  
大好山

鐮數

紫籜解別徑分翠環一區茶煙出  
叢篁乃在東南隅聞鐘知有僧  
謁藹望若無過橋見蔬圃沿泉問  
漣夫此僧何所似云是一枯株落  
盡餘枝葉亦少好皮膚

趙月

字宏濟號無知漢  
太平僧住嵩岩

戒學標曰趙月俗姓朱出家遊京師歸住嵩岩受法於  
雪竇律牧和尚康熙十八年中秋先期示別至期坐化

參方

放蕩乾坤野鶴同一枝待借意何窮  
穿林面帶松煙綠買渡衣沾杏雨紅  
鉢洗清流來楚澤錫飛明月過秦宮  
啼猿怕聽

溪山道幾度逢人間曉風

宏備

字梵林山陰僧選詩輕詩通

蔡英曰祁班孫放歸爲僧名宏修字梵林與字梵林之宏修別是一人梵林詩見越郡詩選凡林據紹興府志

文苑傳已誤書作梵林

朱文藻曰據越風字梵林者名宏備非宏修也蔡君仍越郡詩選作宏修然攷遺民集亦已作宏修蓋其誤久

矣越風必有所本今從之

立春日舟過廬峯精舍

彌月居城郭長思歸草堂出如纔十日寂寥坐竹房舉橈向  
前景設設溪風涼及來廬峯山巒壑遙相望堤柳發暗綠苔  
岸生晴光因過結廬客同過薜荔牆自啟雙板扉敲石滌茶  
鑪出子青泥飯坐我雲根牀款客不知晚相送臨河梁我亦  
悵然別還同歸鳥翔依依戀野色蕩舟趨夕陽

答下相蔡叔望畱別之什兼送陸禹平

七里寺門近半塘  
人境連臘前來暮  
客雪後有歸船  
烟樹空于水澄江  
遠入天休忘在鶴  
澗相坐品三泉

明孟

字三宜山陰雲門顯聖寺僧

越郡詩選三宜志感一詩曠然高寄休上人合作也北  
帶一詩秀警拔俗其間興絕句則悠然遣放多少自在

北塘散步

散行無擇伴  
今古不須論  
酒旆垂楊渡  
漁罾黃鳥村  
波流還繞樹  
山色盡當門  
荒塚歸牛馬  
沙堤又日昏

閒興

白版桑村傍水花  
綠陰清几飯胡麻  
船來船去朝朝見  
垂柳山前第一家

多少樓臺繞北山  
水亭涼路石橋灣  
花飛門靜春無主  
黃鳥



白雲空往還

明懷

字墨浪山陰雲門寺僧著稟言

雲門和王陽明先生陸間韻

偶入空巖遠扶筇  
趨鹿游爲憐千嶂寂  
擬結一茅休漱玉飛  
泉澗垂藤坐石闌  
行吟溪上月清影逗林邱

如曉

字萍踪蕭山人錢塘烏石峯僧著巖艇草

杭州府志如曉失其姓幼不知書年二十餘入臨安山中獨棲古廟深山月朗見竹影在地豁然有省折桂枝

盡補灰遂善書至錢塘結茅烏石峯側名曰巖艇

朱彝尊曰萍踪栖隱天台石梁下晚居湖上往來嘉禾有萍踪道人詩草行世

朱廣原居士爲余構巖艇於湖上九月落成以詩招之

心期慧遠山中社興發張融岸上船  
最好鯉魚風信後東籬  
來趲菊花天

春暮

雨過郊原遍落紅柳絲無力繫東風春陰何處雙栖燕寂寞

梨花小院中

本

園字蛤菴號湘溪蕭山隆

蕭山縣志本園別集陵人崇禎末隨母張氏之浙居

蕭山之湘湖年十六謁隆興寺僧明然落染習經論後

請天目隨報恩通禪師赴及之還仍止于湘湖題所著

世祖

詩曰湘湖集將朝五臺道京師和碩安親王延之住

西山隆恩寺明年

聖祖

仁皇帝召見玉泉行在

命賦詩

間宗旨甚獎尋禮臺作二十偈還京師疾作

賜參藥

時康熙己丑之冬繕遺疏書劄而逝

上命侍臣

真茶本園歷龍安兜

率三主道場各有語錄

榮英曰毛太史西河合集有蛤菴和尚

塔誌銘所載事蹟即為縣志之所本也

庚戌北上再過淨慈別天溪同門

年年河北河西路。羞抗塵容素與緇。殘澗月明人影斷。短裘  
霜透客心知行逢擊鼓開關後。話裏踈鐘出寺遲。回首平山  
千樹柳。碧雲風起亂如絲。

同丁大聲過白玉樓尋呂大

久結名山想來登白玉樓。千林擎曉日十里湖春流。靖節初  
投社相如已倦遊。因緣在我輩雅意念岑邱。

等安

張全拙餘姚法華菴僧後  
住藏經閣著偶然軒詩

姚江詩存黃太冲曰全拙詩如挂雪長松枯枝半折非  
深于寒餓者不能也朱緯章曰全拙訪勝靈緒卓錫穴  
湖寒瀟蕭席門偕木石爲伍不願與軒車一接禪罷微吟  
信手拈出妙句天成要皆至性所抒非復規規擬合

斷山雙寺

雙寺長江大樹間。曉鐘齋鼓共清閒。西風一夜潮平後。門外

新添雨箇山

同片會千象

卷三十一本圖

等安

三

雲灣

一片清溪遠自然  
踈往還鳥巢當路竹人坐對門  
山掃石道舊在灌桐秋水間  
常時無所作一釣此雲灣

太清寺

野曠人烟少雨三家一村山如爭坐處  
寺已占中尊環竹外無路短籬邊有門  
老僧不世務見客却忘言

宿岑暉吉齋

一宿卽兩日再來知幾時  
人生如飛鳥力倦乃尋枝

秋柳

花枝折盡馬蹄遙  
陌得青青柳幾條  
豈是負春騎獨在秋江無此更寥寥

大瓠

字筍在一字用無宣城人俗姓沈名麟生  
字丹紋出家靈巖後爲餘姚龍曉菴僧

姚江詩存節在為副使壽獻長子雅藻期嗣後制娶受  
戒于靈巖儲公已而之姚江黃竹浦依梨洲兄弟以始  
葉龍聽菴于山中尤與晦木  
唱和相得叢林湧龍聽大師

山居和空林師能

亂山深處刷黃獨  
荊菴嘆藉孤雲宿  
半空忽墮鵝鵲聲  
老僧

自起然枯竹

海懷餘杭徑  
山僧

瀉玉岩在經  
山東

千山春泛亂銀蛇  
百道流泉湧碧霞  
匹練倒垂吳市近  
落紅  
高瀉蜀門斜  
濤驚不息雷潛地  
珠濺皆圓水  
雨花若使有桃  
隨岸種問源舟恐失漁家

海岳字中州京口僧住持海  
寧安園寺著緣蘿菴詩

黃宗羲曰中州禪師會主鹽官國師道場鹽官為余舊  
游地師之所與倡和者非余之門人即故人也憶鹽官

之為詩者雖多而其效睡相熏無日不談者亦可屈指  
朱止溪論詩甚隘以賦比興為繩尺陳令升喜蘇詩其  
幹胸懷誰云猜忤陸冰修善於應捷譬之朱漆雕無植  
之才其於家學頗為南幽夜逸光不耐曉日朱人遠揣摩  
之固當世之宵梁也陳敬之輕誕自矜未見涯涘查夏  
重白點返吐詞清拔查德尹填詞入情而苦纖媚李是  
卷佛火消返寒未泯俠骨可謂盛矣有婦人焉魯無君子  
者斯焉取斯宜乎師詩之美也

冬夜期朱止溪不至

更籌數將半兀然不知寢霜氣透窗虛月華散庭影鄉思鬱  
莫攄客襟亂未整夜分期不來燭花照孤冷

超然

字靖菴一字都山嘉興

錢仁榮曰靖菴晚白於石佛寺息乾禪師付法為  
石車老人孫主楞嚴金粟二剎授老海鹽之隱菴

游雙徑

層折疑無路盤旋入亂峯新茶和雨摘舊穀帶泉春選坐分

奇石空林聽遠鐘回看煙斷處雙徑對雲封

題曇現上人畫

巒青嶂翠露晴空樹裏泉聲聽不窮溪午白雲人不見一亭

深鎖小橋東

大燈

字同岑嘉興頃氏子洞庭西山僧著洞庭詩稿

諸錦曰岑公爲前明項襄毅裔孫

寄馬給練培原先生

鳳城歸後塞雲深風物蕭蕭歎陸沈篋底哀詞高白雪囊中  
疏草重黃金南樓偃卧月當戶東郭閒居花滿林何日浮槎  
滄海上夜深遲我奏瑤琴

秋夜宿八峯山房

黃花籬下亂蛩鳴古寺秋高嶺月明夜半石牀清睡去不知

枕上落泉聲

明通

字達一嘉興遷勝菴僧著墨隱遺稿

錢仁榮曰達一工寫生能詩姚蘆涇太史定其遺稿

張雨村黃藕齋過訪見壁間屠雙髻詩欲訪入社因指

其隱居路徑用匏菴社集韻

雙髻潛修處清流一灣林高秋色敞花老鳥聲閒詩客能攜屐幽人定啟關為言同社客有酒勝廬山

真珏

字兩峯嘉興漆股塔院僧

瓣香菴訪宜山居士和鐵夫原韻

只於瓢笠作因緣結個花龕傍屋偏閱世幻同春夢後留僧貧對佛燈前山林月旦憑誰主支許風流並可傳我亦年來差解意非心非佛也非禪



清一 字太虛 俗姓方 桐城

阮元遊西谿記嘉慶三年九月二日子乘筇輿過保叔  
壟後山治西谿秦亭山入河渚泛小舟至交蘆庵數十  
里中松竹梢慘桑麻黃落豆花瓜蒌映帶秋水風景迥  
與西谿不同庵門內古梅二株枝幹橫斜出于檐際老  
僧梅嶼無俗韻其詩亦清遠與此庵相稱葦香光書庵  
榜為菱蘆此禪家識性虛妄若交蘆耳書交為菱失其  
典矣梅嶼手緝楊柳經蓮子言而悅之且言其師太虛  
能詩會以交蘆對舉葉舉葉者得天張居士書維摩經  
義以名其堂庵之西里許為秋雪庵北高峰正當其南  
蘆田千畝白英初生拂拂然未試霜風也此間荒寒有  
真趣人罕至者歸而  
書此紀遊且貽梅嶼  
碧谿詩話太虛上人桐城方氏子出家京師前遊錢塘  
愛西谿之勝居夕照庵乾隆乙亥移居交蘆庵與詩僧  
心印多倡和稿佚無傳獨徵君樊榭吳居士西林皆有  
贈詩余自乙亥人日泛舟古蕩欲遊蘆庵不果辛酉初  
冬同人展鴈徵君慕便道入河渚止宿庵中風絲始遂  
問太虛遺詩心印之徒梅嶼指壁間手書四絕并口誦  
張園一詩俾錄之梅嶼名隆嶼字震山與其法嗣  
觀曉字日章號晴圃常源字鼎新號水村皆能詩  
乙亥冬日移居蘆庵偶成四絕呈六英大師

屏迹西山三十年不知林外有人煙  
瓢囊又向蘆庵去準擬梅花伴晚禪

榜聲欸乃水溶溶驚起沙鷗落遠松  
到岸始知門向處隔溪

七十二芙蓉

溪西北有七十二賢峯

大吹衡門待客開山厨煙翠辦中齋  
主人笑說無兼味自到林中掘筍來

克公

謂克念

交契比南金後代兒孫道誼深  
今日我來師不見滿階黃葉月窺林

### 過張園有感

滄桑人事莫須論  
賸有頽垣綠薜痕  
雪徑翦梅供晚爨  
風亭芟柳與鄰村  
臨池無復窺疎影  
對月難教覓斷魂  
我是山僧本無淚  
今朝一掬灑西園

心印

源寺僧著觀樹草靈

梅里詩輯里東偏壺源寺元王學士景故宅也捨為寺

俗名期堂為里中古刹殿宇崇宏屋舍深邃殿前有方

池發以石鑿二龍其上久之其一作怪夜吸池水有聲

且出駭居人碎之而止惟池西岸一龍存焉櫻林愛客

喜論詩庭有老柿號所居曰分柿山房文士能詩者多

與之遊飛觴分韻恒聚于斯求侯詩方外得錢宜買

酒醉中有路可逃禪蔡嶺人詩堪持羅什吞針鉢也設

東坡煮肉錯皆贈櫻林作也櫻林嘗選梓同人詩曰分

柿山房偶編與斯編者周貧青士沈進山子李光基季

奕子兆鑑人袁徐在皆山李良年武會弟符分虎褚小

巡二觀蔡耀遠自并櫻林凡十人今老

柿不存寺僧亦無有好事如櫻林者矣

暮秋山行

便無城市想一路聽潺湲徑踏高低葉秋荒無數山故交多

事後知剩幾人閒廢蹟何朝寺殘碑卧鮮斑

九月十三日過修竹居讀去秋壁間諸作因憶武會

乘興訪修竹蒼茫羣杖孤霜深楓柏老我與笠瓢俱隔歲重

遊處懷人三徑蕪聞公有歸信猶得及秋無

宿潮音精舍與雪菴

羨爾今年白業精禪餘常耦道人耕藥闌前月紅三徑我  
今年白數莖有興不妨來信宿無山何以慰平生雙趺暫假  
蒲團息夜夜深林鳥打更

訪蔣丹崖村居

編蓬區別業寒色上袈裟野水涵修竹漁舟載晚霞臨風秋  
作意近日眼生花自喜請蔬譜來年且種瓜

元智

字松月號東樵秀水劉氏子  
周浦永定寺僧著聽海集

錢仁榮曰松月初住上海  
大悲閣次主周浦永定寺

江樓雪夜書懷

江樓風雪夜獨坐轉淒然鄉國別千里音書斷十年烏啼春

到後梅放客歸前病骨猶存傲飄零不受憐

宗龍

字御飛號東麓平湖

錢仁榮曰東麓父茂玄晚歲髮于邑之獅吼巷遂以父爲師亦脫白焉尊依雪川老人印證爲嗣與天台教觀第八世開法禾之白蓮次移漏澤晚居泉亭之崇光

秋江晚眺

青楓浦上亂帆收紅蓼洲前野鷺浮何處漁人吹短竹一聲

劃破五湖秋

聖潛

字師林號浮山平湖陸氏子著蕊香詩草

錢仁榮曰浮山母見紫衣僧人室而生禮德山妙峯脫白

遊南朶理安寺

朝爲南朶遊暮宿理安寺林壑萬籟清石樓孤霞寄簷前河

漢流窗下斗牛企高卧閒清鐘冷然發心地

兩浙輟軒錄

卷三十九

元智 宗龍 聖潛

清

白龍潭

白龍躍已久蕩漾碧潭空漁父扣舷去桃花兩岸紅層城連  
曉晚香塔映玲瓏懷古臨芳渚滄浪動晚風

大熙

字自昭  
烏程人

山居

懶問人間事貧居愛寂寥清泉流密竹亂石架平橋村遠無  
雞犬巖深斷牧樵悠悠此歲月麋鹿可相招

祥超

字靜一  
烏程人

村居

地僻風霜苦溪寒鷗鷺羣攜筇遲夜月掃石坐秋雲水氣浮  
煙合嵐光隔樹分居常無別事矯首對斜曛

廣筇

字楓肩  
烏程人

登道岸步月

碧梧翠竹迴雲端古洞幽深瀉急湍松梢烟拂僧衣薄澗底  
星搖佛火殘

正提

字天眉  
烏程人

晚春至龍華陂和尚方丈遇喻指和尚話舊

倚棹周遮百里灘侵衣嵐翠入蒼寒儘教白髮專邱壑未許  
青山屬宰官竹裏炊煙迎戶濕梁間燕壘泥乾行藏擬向  
天台去及此春風花未殘

道權

字朗公  
烏程人

言志

非敢薄名利泉石交自深踞坐長松巔廓然開我襟不見山  
下路往來成古今

兩浙輜軒錄

卷三十九

大熙

祥超

廣希

正提

道權

五

江干晚步

爲惜雲巒晚兼憐秋後天路窮江盡際客散月明前村杵滿  
空響漁燈隔浦懸舟人聲沸處潮落正開船

德雲

字半閒  
烏程人

曉起雨窗卽事

卧起推窗怯早涼憑欄極目曉蒼茫亂雲忽作千峯雨旭日  
還開一線光遠近山家茅補屋寂寥僧舍芋煨香寒江幾處  
羈栖客坐對秋聲欲斷腸

夜歸

爲訪鄰僧夜泛舟水煙冥漠一天秋雲堂鐘靜歸來晚風在  
庭梧月在樓

南潛

字賓雲一字月函一作月岩烏程人靈岩  
寺僧著豐草菴集十八卷又寶雲詩集



沈德潛曰月出華娃說名若雨字明尚書份曾孫太  
黃生中歲出家吳之靈岩寺詩思路手筆俱不凡  
吳興詩話董西園說字若雨名著復社詩選明詩綜  
二首其豐草卷詩如雁字落葉諸咏麗句清詞不拾牙  
慧絕無訛荀氣忽為僧號南潛鈕玉樵秀舫蘭之秀  
閱蛇孫才情活潑洩兩閑之賢佳兒獲芝蘭之秀  
一且獨賦淨域自號月涵每一出游則有書五十捲隨  
之雖僻谷之深洪濤之險不暫離也徐昭法坊避地山  
中與月涵書翰往還并贈詩云蒼雲多隱  
淪沉冥老河浦一鳴契於如法音農天鼓  
夢至梅里覺而賦詩過梅里

晨起意不憚夢斷吳天空極目西南角越山看幾重夏雲無  
意緒誰作千萬峯遊子亂方寸踟躕將何從

### 和唐人宮人入道

聽斷昭陽鼓吹聲道家衣向御前更已拋團扇三秋怨却勝  
正豔萬里行畱錦祇謀裝秘笈買絲還擬繡飛瓊天家異日  
齋香使白髮宮奴記舊名

招魂曲

夢魂夜逐青桐葉，飛落秋園作蝴蝶。  
一星鬼火入筵青，法王院榜招魂帖。  
靈旛剪紗錢，翦紙月黑松搖古巖鬣。  
高僧呪開枉死城，精靈隱隱啼秋怯。  
嘯聲認得故人魂，猶帶生前舊家俠。

聽雨

梧桐滴瀝客心驚，秋雨能吹白髮生。  
孤館燈昏惟對影，醺醺鼓濕不知更。  
前宵松月疑塵夢，明日泥塗聽屐聲。  
尋著漏痕當屋角，夜深百匝繞書行。

懷閔湘人

蒼山清絕碧湖尖，配得秋吟鏡一奩。  
乍道詩人依杜甫，更從字母入華嚴。  
補鍋得伴還低語，擲卦無錢只下簾。  
貧士傳偈

文士傳寄言信史不妨兼

漫興

蘭紙烏絲石筆牀小橋流水帶書堂白蘋風裏思漁艇蟋蟀  
聲中話戰場窗記夢鄉初落葉客評書價又斜陽一庭雜樹  
無心理薜荔牆邊放竹長

落葉

疎林無奈撲新霜木落天高欲斷腸兩岸啼鴉愁客路六朝  
宮闕滿斜陽風生夕浦江湖上老對秋山感慨長日暮漁樵  
歸未得短亭風冷話興亡

行宏

字正法  
烏程人

埭溪訪僧不遇畱題靜室

芒鞋叩遠公雨滑亂塍通一水四溪口雙扉萬壑中榻懸曾

未下鋤返悵誰同尙得誇殊獲山雲滿袖籠

秋晚山行

秋色正無際高天來晚涼溪遙仍活活行到但蒼蒼葉落樹  
形古日斜人影長寺深頻問路隔嶺辨紅牆

寄懷振琳師

繞屋蓬蒿一徑通惟餘竹榻對疎桐既然有夢到天姥豈得  
無詩懷遠公揮塵元風虛講席攜筇白月滿琳宮茅齋日日  
家常飯石上漉師薦晚菰

智照

字蓮伯  
長興人

過靜一溪莊

何事出林麓故人久見招野田分小路荒墅帶秋郊枯柳橋  
邊臥寒雲湖上高君家山水勝窗裏見漁樵

送蘭如法兄之五臺

歲暮江南路相將北雁飛久知寒苦地六月未春衣雲水五  
千里擔囊獨白歸傷心湖上柳故作綠依依

行瑩

字雪波  
長興人

深秋吟

何須玉粒煮香秬却喜逢年勝力耕勿謂謀生妨學道久從  
物力驗人情將貧博健差娛老得句舒愁漸已平倚杖衡門  
慣相見歸樵幾輦過柴荆

智慎

字逸山會稽僧  
著散菴詩集

天荒石檻

一檻中分上下山瀑流飛濺臥雲殘松蘿石畔看晴翠六月  
溪風似臘寒

暮春

雨後深山長蘼芽一溪流水幾人家  
窗前滿地皆春色紫燕猶銜別處花

智恒

字確菴會稽人著述一詩鈔

舟居

一舸藏深壑橫溪傍野航  
草熏天影綠花香水痕香  
江暖知春草人間覺晝長  
鷗鳬同泛泛有夢到滄浪

桃花塢

一片無塵地翻爲有恨天  
洞留仙子跡春洩祖師禪  
點衲還如此尋源卽杳然  
靈雲心是鏡了悟自今年

懋方

號則齋會稽人

宿雙峯古剎

古剎雙峯裏清霄愜勝遊僧歸雲滿袖詩好月當樓梵唄參  
禽語松聲夾水流翛然人定後欹枕數更籌

遊靈峯寺

靈峯寒翠鳳鸞吟爲訪名山識道林松葉蒙頭巖路轉梅花  
灑面曉雲深蕉窗掃榻來今雨石鼎煎茶話素心興廢百年  
歸浩劫殘碑零落綠苔侵

祥毓

字永文  
曾稽僧

長壽禪院

野水無波到底清短蓑孤笠狎鷗盟數間老屋前朝寺幾樹  
寒梅太古情剝雪白添茶竈冷落霞紅襯竹樓明蕭蕭入夜  
詣天靜何處風來送磬聲

元宏

字石庭曾稽人平陽  
寺僧著高隱詩集

西河詩話卷三  
香城寺詩話中元節越城多作孟蘭盆會時石庭公寓  
山亭今縣北樓正當巖耳石庭與既白鐵夫兩和尚夜坐  
見諸祀服者吹螺擊鉢繞山脚至山頂盤紆而上每三  
丈許燒紙錢一堆凡百十堆須臾火燼梵樂從前山遠  
去里許而絕山頂一散忽死灰燼發初看有微紺宛若  
正赤根淺碧迴旋而起散復為千萬丈淡綠微紺宛若  
星是時山樹巖壑俱燦然復見灼灼然中有綈衣者約  
數百輩圍火迫視若檢括其中之所有甚有拾獲顛仆  
臥不能起者刻餘復分一火毳移至次堆其捷如飛以  
次而下凡百十堆無不如是真怪事也次日過余話其  
事且出三公聯句示余石庭詩云野火青燐明復滅照  
見衣冠竊如雪婆娑影餘燼猶存互糾結孤墳寂寂  
夫詩云微光未散紛爭掣餘燼猶存互糾結孤墳寂寂  
臥麒麟高屏毛髮覓歌香鐘鼓沈一夜色蒼茫幽咽  
及久視焉辨毛髮覓歌香鐘鼓沈一夜色蒼茫幽咽  
蓮坡詩話高雲和向風逸品卓越一時所著詩文如  
蒼松翠竹老面愈秀向受紅蘭主人供養後住平陽寺  
有高雲詩集紅雪秋聲詞康熙丁酉來都過余西廟  
剎那接話覺有夙契因授余詩代為傳事一時有  
柳亭詩話寒泉以文字少獨石庭宏公為一時有  
莫不與口同聲哀然哉片之西山和  
自取法苑英華皆琅琅可誦也



越風高雲各體詩以七言  
爲勝綽有風情喜無納氣

江上

月出篙工唱歌聲入睡清燈光圓客夢霜色苦雞聲野飯分  
鄰衲秋衣其友生高堂回首絕誰更念孤征

懷何雙山

桃花春水棹笑讀沈郎詩從此一離別秋風八月時白雲孤  
鶴夢香草美人辭嬾嬾餘音好高天候雁遲

送祁旣明之長沙

落日寒山驛路斜朔風吹雪冷飛鴉十年師友悲離別千里  
關河感歲華帝子佩環空北渚才人辭賦屬長沙君今亦有  
離騷句吟向湘妃廟口花

若耶溪上詞

黃鸝聲老雨餘天寒食山村午禁烟折得柳條青滿把也來  
插向寺門前

雨歇千峯積翠開溪聲飛落白雲堆竹編小筏桃花水載得  
人從天上來

山行

山村處處採新茶百道泉聲遶幾家石路行來微有跡不知  
滿地是松花

送徐雙澗歸履溪

地僻幽栖老薛蘿白雲高臥意如何扁舟歸去隨明月三十  
八灣流水多

過曹山與冰公話舊

圓澤重逢錦水邊楞伽石上十三年幾回相遇幾回別又是

驚花雨後天

悼舊

把卷臨風獨黯然清才子晉早成仙空餘綵氏山頭月不聽吹笙又幾年

宗音

字谷云東陽僧著松關詩草

立光松關詩草序畧曰谷云三十餘年以大事行脚吟  
吟誦讀去書專攻由參尋證入之後涵泳性情遊戲翰  
墨七言五字皆清淨心中所現之放光  
三昧與詩人比興無心摹擬暗合國棧

答映公

孤危懸徑讓公登別有峯頭到未曾一語遙投深記取手中拄杖是烏藤

古洞夜燈

一點清光透嶺腰何人深坐此青霄定知仙子移棋局採得

松肪徹夜燒

正普字實賢東陽僧

金華詩錄正普居縣治泮水西一音院詩工五言南山草堂云竹深僧夢綠花密鳥聲香華嚴院酬心融大師留別云拈花因悟果擊竹為虛心頗有九僧遺韻

漫吟

林間鳥亂啼似說春光好花柳雨中寒惹得詩人惱

振濟字古初東陽僧著靈竒散錄

雜詩

看山無遠近涉目生佳賞白雲得我心却來同俯仰

行行綠水濱俯看水中鱗纖鱗未及見第見蒼顏人

超凡號雪堂海寧查氏子出家為僧住持蘭溪廣長菴著芝崖集

樓上得曰廣長菴即古之保寧禪院也雪堂能詩善畫為毛西河施愚山所重所著芝崖集張集別雲鵬王鶴

潭崇炳  
序之

宿白沙驛

晚泊隨漁火遲眠傍野鷗心閒黃菊圃夢穩白沙洲山靜月  
微吐溪寒波細流寬來情境寂聽報五更籌

八月廿七雨喜濱逸大師馮丹九秀才至

不期今日雨又點碧苔紋竹簷添新水松門老宿雲鐘聲鄰  
寺晚入語隔溪間誰意來高駕空山正憶君

真悅

號逸樵仙居僧俗  
姓朱著偶園集

陳寧曰逸樵爲紫陽裔羅宏載稱其  
以名儒而參淨理不離主佛主敬

冒雨曉行晚宿西山寺

帶雨扶筇破曉雲西山投宿已黃昏逢樵但問難行路見月  
還思未到村正欲買舟浮剡水還宜披髮嘯蘇門眼前無限

征途怨草履侵沙只見痕

正解

張伊我臨海僧著藟葛草

送張人紀還武林

水脊山稽十數年忽驚烽火促歸鞭多情遺我剛琴譜無計  
畱君住畫船夢入梨花三竺月歌殘楊柳六橋煙彩毫揮處  
誰能識一度相思一惘然

普映

字曙暉東陽僧

山行歸對月偶得

浮蹤自許片雲同七尺烏藤在手中擔取九天飛瀑下歸來  
獨坐煮松風

大涵

字與雪吳江人姓潘氏出家爲僧主海寧安國寺號雁黃和尚著遊草五卷

過富陽

老來漁釣漸相關盡日舟行目未閒  
翻怪晚風情太薄急吹

人過富陽山

趙希

字光號開禧永嘉  
人著小巖集十卷

夏雨作

幽窗積翠深衣潤雪痕冷雨釀五月寒鳥啼一山靜泉聲澀  
魚行松瘦作秋影

徑山

一徑松杉冷隨雲到上方錢塘江縹緲天目影微茫古塔瞻  
龍子重樓接桂香峯峯青可住幽處鳥銜芳

乙丑仲春余坐華下喜迂霽兄

春風悅衆鳥呼友多佳音引我就花影讀書懷古今谷傳楚  
異韻蘭喜客同心一見驚相逐依依情自深

坐雨次周非臺居士韻

晨昏不厭對芙蓉雲裏微微露一重  
焙笋每嫌吹濕炭采樵  
幾度卜晴鐘泉飛樹杪初開徑烟落  
岩頭出盡松對客論心  
忘寂寞米家數筆雨山容

彬遠

字秋蟾號嘯翁永嘉人杭州東郊栢禪院僧著村居詩

清波小志學士橋側有笑隱菴又名法喜院老僧笑魯  
者居之予童時見其自言從董宗伯其昌陳徵君繼  
儒游故其書法不落詩蹊每朝夕往來橋畔眺望湖山  
意有所得輒賦小詩一日舉一燈千古夢萬壑老僧寮  
二句示予是時余未知詩也後歸天台山年餘復求沒  
於菴中繼席者為寶菴其徒彬遠奕是但能詩彬遠別  
字秋蟾詩尤超縱  
大有青蓮風味  
碧谿詩話瑞翁所著刻以流傳者有村居以後詩三卷  
屈清波小志知嘯翁之師為笑魯又與陳翁同輩有奕  
是但能詩今  
皆不可致矣

讀雅黃先生遺稿



木落當殘歲孤墳一望春黃泉雖有汝草野卽無人子舍圖書在湖山翠色新定知高妙處長與白雲親

示越僧

一椽聊自息閉戶莫辭貧養壽宜忘慮居村必近隣無求原率意有道是遺民眺望亦吾事相攜到水濱

寄紫凝

參差亭榭歲華新湖上幽居傍水濱辭賦終能爲棄物桑麻自可作閒人林光不斷飄殘雪草色無窮望好春婚嫁少完兒女事早來東郭結比鄰

題曹將軍水廟

斷碣依江口荒祠落照平人煙雙徑出古木一橋橫水國蛟龍氣靈臺鳥雀聲千秋功業在廟貌獨崢嶸

靈庵

號攝菴太平鎮氏子永嘉寺僧著鷲音集

南沙文集攝菴古授室遁去為僧嘗修懺永嘉寺中一老禪自稱宋徽主慈雲大師端坐聽講畢舉古木香爐贈師曰善持之忽不見由是心地發明若有神助僧臘八十一

方正學先生祠

手撥濤觸逆鱗心期取義與成仁垂髫已熟聞斯道晚節何難致此身草詔不從惟有死麻衣著後更無人是非兩字模糊久且喜先生識最真

德音

字默聞號雪庵嘉興諸氏子著擊竹詩草

秋聲

空齋閑戶坐禪清忽似波濤驟雨生驚起滿窗山月白世間何處不秋聲

秋懷

曉起憑虛閣，俯然倚短筇。地高先見日，木落不遮峯。僻性從  
余懶，交情讓世濃。凝眸時兀坐，隔巷殷疎鐘。

曉菴

曉菴殊絕勝，位置得天然。結宇全藏樹，浮橋別引川。鳥鳴殘  
照外，鐘落翠微邊。惆悵風塵客，何時息一肩。

送陸堂先生北上

竹逕纔逢步屨過，又經判袂賦騷歌。帆隨湖水碧流遠，詩占  
江楓紅處多。萬里飛鯢乘海運，三秋健隼向雲摩。春風得意  
如相憶，爽句翻憐月下哦。

本源

字元菴  
湖州僧

過王晴菴舊居却寄郡城

菴城摩詰在，久不住嵩阿。白日攜筇到，青山送客多。林空一

片月澗落萬重波知我無如子秋深幾度過

趙復

字祖雷臨海僧苦巢雲集

過沐簫寺

沐簫泉下寺面面是青山草徑穿雲竇柴扉傍石關虎驕行  
竹外鶴老戀松間高士幽棲處寒雲自往還

趙源

字蓮峯錢塘人吳中怡賢寺僧

沈德潛曰蓮峯蒙

世宗皇帝召入

內廷

勅主

吳中怡賢禪寺其詩揣摩王孟舉釋典元妙融化出之殊有空山冰雪氣象

夢故友程風衣

春雨何淅淅春雲更沉沉程君已隔世宵夢來相尋自言身  
朽心不朽象外風月皆吾友從前膠擾海天空祇是泉臺無  
美酒斜陽煙柳門前溪欲別不別重牽衣寄語淮陰小兒女

我今野鶴同鸞飛

題畫

春浦風生柳岸斜  
好山何處著人家  
白蓮遮斷橋西路  
不許漁郎問落花

友人枉過開化寺

青眼多情客  
攜朋問暮秋  
人同山共瘦  
時與水俱流  
黃葉迷村路  
清風滿寺樓  
荒涼郊外景  
肯向銷囊收

寶彰

號紫松  
祝髮于東郊崇福寺  
著山房散記錄

吳穎芳曰雍正癸丑

朝廷選僧宏法寶彰預其數明年命住揚州天寧寺後常往來武林與報國楚公善所著詩文語錄海昌法姪福堅爲之記錄鴛湖覺超爲之編集

過靈隱寺奉輓諦輝禪師

夾徑祇林蒼靄中  
靈山已散杳難逢  
談經曾點他山石  
入室

空聞上界鏡溪烏銜花遺舊路洞猿抱果下前峯我來問道  
殊堪憶雙塔岩頭掃落松

秋夜棹槳迎晤河臺東軒公二首

閒來無事意徜徉短棹徐行過柳塘月色波涵和鷺白稻花  
風捲到船香論詩每至掀髯極選佛須同及第強江水瀾漫  
秋樹外板橋深處野風涼

轉憐矚昔話錢塘著蠟頭陀無一忙白豆花寒詩味苦秋池  
水瘦藕心香支筇吟緩鳩移樹倚檻思豪月到廊宛爾十年  
成電拂吳山越水總茫茫

月夜懷東園諸道侶

合如墜葉集散復浮雲還真際既無著寒松何以顏閑襟各  
勉事落日同歸山懷哉二三子此道用躋攀

遊道場山寺

啼猿走暝色峰影下儂陰一塢夕陽滿四山寒葉深雲閒不  
出岫僧老似無心他日還來此元踪細細尋

窗中望雪上諸山

遠山孕奇姿與水無諂色日夕湖上閒閱爾雲霞跡靜凝萬  
點烟錯落青螺髻長風蕩層岵霜斧削巖巖舒卷夏雲奇天  
矯龍蟠屈曙色明遠矚雲海青蓮出霧蒸倏異容雨動川蜚  
捷縱橫入杳冥絕壑巨靈擘遙想彼中林萬物爲窟宅洵知  
劫燒初水勢爲彼劣吾將約畫師挾此赴靈闕咨彼無垢人  
拾月肆輕策復憶錢江上磅礴吞吳越又似雲中驥騰驤過  
萬匹勝境猶在眼寤寐閃蒼碧望之良懷新蓬廬吾將闕

池上聞別楚公

法子不苟出是名休夏居蓮因心地白齒為菜根疎送我池  
西口離齋竹下餘清香披拂盡日暮始歸廬

趙直號洞石鄞縣陳氏

清波小志僧問石年二十餘來錢唐雅髮於湖南白蓮  
洲即全留錫庵也受老僧盧舟付囑少時未嘗讀書後  
得定力輒能解卷帙之蘊甲辰七月王先王被執至武  
林至九月七日就義後者二人同死焉石公共收而瘞  
之南屏之原石公與予對湖而居刺舟來往無虛日賦  
詩多龍體之氣不可以格律繩之與四明萬充宗黃賢  
子王白民及錢鼎寶漢中兄弟並稱至好乙卯三月忽  
作詩一絕并大書案上曰斯斯蕩蕩漸斷葛藤遂立化

絕句

我向平湖去他年當復來白蓮千百朵知為阿誰開

靈傑中印峯天南房僧

碧溪詩話靈傑與黃松石同時上竺選子殿是其興建  
著十竹軒詩草乾隆己酉從自雲房省齋上人借錄  
鼠齋箱柜鏡竊膏油擾亂書籍終夜不靖時未立冬腊



臥煙樓若不聞也戲詠一詩以儆昏愴

高臥煙樓待歲闌伊威同穴竟相安穿墀入室方爲難蹈火  
尋門且禦寒但見饕餮由釜甑不知薪水缺盤飧食貧累汝  
都窮餓吾亦隨天付鼠肝

大閒

東陽法興寺僧  
新制草入卷

吳明杰制草序畧曰予嘗同徐書山大酉讀書法興寺  
於壁間得大閒詩二首語殊奇頗異之因覓得剽草於  
族兄泰家爲刊

行其十之三

樓上肩曰大閒不知其何許人乘船問雲游湖南北有  
問及其姓氏者卽走之杭住雲林寺復有得其氏族者  
卽走之東陽住持法興寺寺方廢大閒爲起之初掘起  
得赤烏甌已復得永平甌按寺係東陽名刹人言寺有  
永平甌宋俞嘉猷錄切蹟鶴  
盡虎并大閒詩可稱四美

山居

自入白雲端枯榮總不關補衣收櫛葉掃石看秋山鳥下依

人靜蟬鳴隱樹閒每攜孤杖出多背夕陽還

秋夜感懷寄乾菴

忽忽秋過半悠悠歲復增夢回三楚寺寒逼萬峯僧竹響搖

空雨砧聲搗夜燈蕭騷無限意攄寫欲何憑

元璟

字借山初名通剛字以中平湖人化城菴僧著完玉堂集

居易錄會稽釋子元璟投詩為贊頗有秀句如相思若

鷗鳥咫尺隔風煙鄰司吟卷門生致酒錢風曳驚黃

淺寒吹鴨綠平生看春縹子吟到闕城清鐘來木末

白鳥落風濤人家收拍子佩葉著霜花晚陰分竹圃秋

水繞歸樓煙中多翡翠花裏又鈎轉一笛破寒猶千帆

淡夕陽懶呼猿引客閒許鹿參禪試看青蘆舊倒浸碧

瑤

沈德潛曰借山以詩受

聖祖

知居京師久後南歸雍正丙午歲與予遇於天宮佛寺

名流或在時炎月借山課程指予曰此即長洲沈生耶

既出詩稿相質為點出敗闕處輒心服別時整衣送半

里外知非一例傲岸者也惠天牧學士不

替許人何人每稱借山郎詩品可知矣

陶元藻曰借山爲木陳和尚再傳弟子康熙間遊京師  
放誕不羈人多謂非菩提種子而心實無他爲詩秀健  
頗除蔬筍氣如盧溝橋馬  
家山二詩大似見道語

過楊鐵崖故里

卜築精藍似淨名愛他三絕擅平生  
桑條綠滿門前徑客到  
幽禽啼數聲

瘦策衝泥訪鐵崖銅坑小喫雨前茶  
無端攪亂春愁客屋角  
一枝山杏花

盧溝橋

日色纔分萬衆蹄黃塵漠漠馬蹄驕  
題詩笑問桑乾水曾有  
閒人過此橋

馬家山

山脚山腰盡白雲晴香蒸處盡氤氲  
天公領畧詩人意不遣

四清集卷三  
花開到十分

龍井

蕭晨理孤策千峯若新沐參錯風篁嶺玉龍驚飛瀑乃撥白  
雲路崎嶇到巖腹巖深雲亦腹中迸此一掬涓涓流石脈乳  
花涵淨綠噴作晴壑雨珠璣灑萬斛真龍脊不見但有蝌蚪  
族翫而思呪之脫復示伸縮雅愛稚川翁到處挾泉目烟老  
丹竈荒渴飲來麋鹿瞞陰淮海碑剔鮮再三讀妙絕南宮書  
仙骨無凡肉願我抱孤僻芒屨幾往復洗耳破寒聲短謠繡  
修竹

十月朔入會稽山平陽寺參寒泉老人

雙眼平生隘八垓江東法社半蒿萊波光清泛耶溪曲山色  
爭奇委宛開鐘自萬松陰裏出人隨一雁影邊來須知水乳

相投合繩石磨瓢挽不回

蛟門

十丈帆張五兩風笑談間已出蛟宮兩拳石東波爭立一隙  
門開天忽東雲壓鰲頭蓬島黑日翻魚眼柁樓紅平生夷險  
經曾慣要吐胸襟浩蕩中

答徐文虎

倬長詩骨玉森森頭我城南祇樹林入夢幾人飛白鳳登臺  
終古弔黃金座中歲月愁將老霞外心期話自深若得把茅  
甕谷近瘦梅花底共清吟

下南高峯歷無門石屋諸洞尋演福山房松竹連岡奇  
石林立茲山之絕勝也借墨題其石

既振破衲衣餘興尙縹緲還從一鳥下林壑極幽討援藤挂

蒼壁腰脚怯窈窕古洞若旋螺嵌空覩天巧洞口得風磴吾  
首時一縮東城十萬家刀尺聲方擾淺黛掃南屏闔著西子  
好北峯亦低昂肩比嫌弟小俯視三面山多作兒孫繞松門  
攢石筍不數仇池妙竹光夾老屋晴晝波浩浩奇樹穿石腹  
艱難到台抱吾欲卜吾廬歇脚悔不早樵子歌入林歸鴉亦  
稍稍選石偶畱題自晒跡難掃

西溪結茆奉酬蟄園翁先生

入山媿未入深山黃茅一把叢翠間掃花飼鷗起我早了無  
別事分餘閒西溪溪水白於絮舊是先生垂釣處茶煙竹粉  
滿溪香不礙輕鷗自來去

觀我

字成已一字存幾平湖  
人西菴仙翁西溪詩存

憶松存菴水亭

湖亭曾記昔年游堤柳參差繞碧流院靜一燈常不夜竹涼  
五月已如秋池邊鷗鳥忘機狎石上曇花散影幽歎息此身  
閑不得相思空擬盪輕舟

宗相

字卓仁永嘉張氏子  
深溪僧著耕餘集

春日訪延福寺存如大師畱宿

春日遨遊興飄然過深東寺藏修竹裏徑入白雲中洗鉢香  
泉活穿花野鳥通談禪銜茗挽新月上簾櫳

無名和尚

台州僧住吳  
中銷夏灣

陳卓曰和尚生銷夏灣破菴中不持經卷絕粒半月不  
死食可盡三斗米能詩有浙西名流舉包山咏梅押雲  
字未成和尚口吟秋眼幾粒裏寒霞鐵骨  
一條眠斷雲泉奇之雍正癸丑十月化去

口號

電光三癸丑住世無可住青山萬壑雲是我來時路

超奇

字雲可臨海僧著蓮嶺吟

秋日背懷

庭際日將曉飛鴉猶帶霜呼童掃階葉有客過茅堂雲散星河斂秋深枕簟涼佛香猶未上覓句下長廊

元尹

字字亭昆陵人姓呂氏主海寧安國寺

山居

吳興歸雲菴作

筐滿黃精甕滿蠶生涯隨分足幽棲青遮茆屋松千樹綠繞柴門水一溪世上休言蕉底鹿山中不蓄枕邊雞新鋪草薦繩牀軟睡到天明鳥自啼

題天嵩上人邨居

屋構孤邨畔門開五柳邊小橋斜入圃狹港曲通船窗白松梢月簾青竹底烟誰知懷隱意不必在山川



端文

字道揆號愚山桐鄉人姓吳氏出家海寧之慶善寺著愚山詩鈔一卷

俞寶華曰端文爲復顯孫行工詩早卒

曉至淨梵寺

流泉泱泱瀉清溪曉策烏藤上翠微行盡白雲間犬吠坐來青嶂見僧歸殘花如雨飛松逕清磬隨風度竹扉試向高樓舒望眼千岩紅紫亂朝暉

宿水樂山房

片雨過青山深林獨掩關有雲來枕上無夢落人間地僻塵塗遠泉流意趣閒清音聽未足風竹更珊珊

名一

號雪樵嘉興白蓮寺僧著田衣詩鈔

夏日侍梵虛老人過松靄山房有詩奉和原韻

餽客依然茗椀香山中清福肯分將落餘松子晴疑雨聽到

泉聲夏亦涼樹老半經蒼  
蘚蝕僧閒翻笑白雲忙  
偶來陪坐忘斜日欲去猶憐石一方

本白

字楚衡號漱水嘉善人著有二竹軒詩集

春寒

病裏年華草木知孤雲來去更無期  
等閒清興難消却忍凍開窗看竹枝

又和朱可石元韻

更何須遠覓春華只兩三枝瘦影斜  
坐上賢人惟臘酒世間冷友是梅花  
已從天分營幽趣却遣詩魔撥出家  
笑我病衰爲物轉一篇知了一篇除

除夕

去歲歲除憐臥病今宵堅坐數寒更  
諸緣易謝身猶在一事

難拋詩又成黑白子邊多士負忙閒案裏老僧癡狂言直欲  
驚天上或有人間月旦評

福源寺

福源源不竭水遶梵居清塔自通天語橋能接世情挂瓢來  
十月拂石悟三生木葉飛新埭空懷二陸名

寺係陸五臺與弟雲臺所建

瑋堂

蘇州人天台僧

張廷俊曰瑋堂詩乾隆丙子春遊天台得之壁間錄而存之

拜經臺

不上拜經臺安知天近哉露寒山果瘦風定竹房閒坐石看  
雲去凭欄聽雨來巖花香自落片片委蒼苔

重上拜經臺

扶筇又上拜經臺烟樹依然覆碧苔飛鳥盡從雲裡落巖花

常傍日邊開未登嶺半心先怯纔過山腰風便來說與世人  
皆不信請君到此自徘徊

過華頂菴

輕烟漠漠雨初晴曲院深深草自生久住有僧忘髮白偶來  
無客不心清簾開東嶺迎朝旭門掩西風聽竹聲愧我浪遊  
難自寫年年空負買山名

如理

字庭敏號日齋  
仁和蒲月菴僧

阻靈峯

白雲留我山中住故向靈巖鎖不開乍散乍浮還自合飄然  
一朵進窗來

夜之蘆菴

衝寒冒雨過餘杭更買扁舟泛野塘水靜秋深無犬吠隔離

相喚煮茶香

復顯

字夢因號雪廬姓張氏閬中人出家海寧慶善寺後主揚州建隆寺方丈著雪廬吟草

袁枚曰雪廬詩兼衆體而思力所到處俱有清蒼之色驗宮之韻

蔣士銓曰壬辰余來揚州知雪廬名偕同年生棕亭教授造訪鐘魚佛語吟聲消林師伏几手披口授訓兩僧離讀書臨帖咄嗟如學究予竊異之棕亭曰此靈山一童子者曰巨超曰道揆乃師之孫行也詞氣既接儒雅淩流以視動容於宰官富人者脩然自遠所著雪廬集冲淡婉約中蒼秀挺豁氣韻在大歷元和長慶間同人天寧寺竹岡閑步分韻得半字

愛此修竹岡行吟共蕭散烟開鐘磬餘氣爽陰晴半林深翠影稠風急蟬聲亂避炎固所宜尋秋彌可玩遙山白雲生水野田漫眺望意何窮沉沉日將宴

瓜渚晚渡

日暮風初定潮迴波漸平人爭瓜渚渡船傍荻花行鴻雁橫

江急鳬鷺浴浪輕卸帆京口近燈火已微明

際源字微園湖州人北郭報福寺僧

陳焯曰微園僧戒律精嚴尤工于詩兼精山水梅竹

南湖夜泊

橋李城邊人語靜釣菴磯外水連天蕭蕭蘆荻風吹雨煞煞

蓬窗估客舫

上緒字亦諳號近溪錢塘人有益後集

移居葛嶺用淵明韻

昔慕湖上山今愛湖上宅移居遂我情湖光見朝夕人生靡

有常何事苦行役苟能釋俗氛何妨門閉席栖栖矯世者事

恐易今昔不若倚仙翁丹經相判析近抱璞子隱處

移居南屏再和陶韻

一歲三易居未始安其宅昨尋南屏幽日隱雷峯夕故人適  
嘉招欣焉從茲役精廬下瞰湖波光如綺席西吾開山僧也側儻  
儔事蹟迴往昔余方慕道深理應從此析

### 酬葛陂

園扉亦何好蒼翠饒松竹月出含清暉溪影搖生綠素琴誰  
與彈高歌誰與續慨然念良友幽思結心曲忽枉巖中作披  
緘興躑躅何當訪傲廬思君如瓊玉

### 湯紹衣月夜過話

小院鐘聲徹空山遠近聞何人知此意有客獨尋僧野竹迷  
青篠溪花覆紫藤惟應無月夜孤寢照松燈

### 七月望後湖上有懷

良宵安可寢秋月此初圓寥寂山中客淒清雨後天放舟孤

嶼側聞曲斷橋邊不禁懷人意空波坐渺然

明中 字焚虛住持杭之淨慈寺

錢陳羣傳略曰恒上人明中七歲投楞嚴寺為僧梵誦之餘兼習書畫嗜為詩無蔬筍氣主淨慈講席適子

子告里居會過淨慈遺一聯云山空不厭僧常住詩好何妨

上四次巡浙幸寺中見子所題聯即問和尚也能作詩麼

上頷之因賜 上人跪奏云臣僧會學作詩

杭世駿序略曰西湖有二詩僧一為亦諧一為焚虛亦

撰玉几符會藥林鷹鷂樊榭相唱酬亦諧漫而三人相

繼下世不能傳其詩也焚虛早侍

內廷荷 兩朝之恩遇歷主聖因天竺淨慈龍峯四道場人密後有詩數卷余為芟疏其十之三

四梁侍講山舟力任刊行

宿萬峯精舍  
我身如孤雲去住在空谷偶來萬峯頭意倦便一宿水涼山



影沉樹暝人烟簇夜靜冷吟蟲秋聲散叢竹愛此風味清得  
句重燒燭

同人白雲山房看梅

問梅過靜域素侶兩三俱花影近山瘦雲蹤到樹無忽聽疎  
磬落轉覺晚香殊小立春風下幽禽笑撚鬚

東湖寓齋喜讓山自南屏至同集張鐵珊藝舫

念我棲遲久尋閒忽共攜浮屠烟水外逸士板橋西著意畱  
情話燒燈復小題如何先理棹寒月返蘇隄

穆門茶園設林竹田寸田過訪坐竹間亭分得竿字

五月空亭晝尙寒了無塵事得相千山光照眼青三面竹色  
侵衣綠萬竿風靜最宜僧入定月明好與客同看不妨覓句  
頻來往小啜茶香一倚闌

復園池上紅板橋新成

我來池上曉風恬，略約新紅映畫簾。  
繞柱荷花香乍細，漫闌秋水碧初添。  
隄平不礙船將窄，雨過惟愁屐齒黏。  
柳外烟邊頻管領，月痕坐待兩頭纖。

秋日同設林竹田寸田汎湖至南山訪讓山分得師字  
荇縵船檣打槳遲，烟波澹蕩早涼時。  
疎鐘忽度秋陰薄，曲徑閒隨野色移。  
前夜清遊貪看月，故人相訪只參詩。  
琉璃燈下憐癡影，謙老茶經是我師。

過吳氏餅花齋二雨出紙索寫洗研圖卽題於首

我來餅花齋，風日愛清朗。  
藤架葉初齊，新陰綠書幌。  
大几橫無塵，疎窗高且敞。  
主人示破研，珍在鳳咮上。  
洗滌日摩挲，能教我技癢。  
乃試古墨丸，圖成不盈丈。  
枯筆慚無師，巨崇嗟已

往聊對巖壑人烟雲借供養

秋日同竹田鐵珊四照亭看雨用賈仲穎詩句雨聲中  
爲韻得詩字

短棹西風握手遲空亭茶話又移時四山雲氣曉初濕萬竹  
雨聲秋最宜畫愛米家新濺墨地鄰天竺舊題詩此間清景  
俱消受試與芒屨訂後期

冬日歸乾峯

自笑身無定歸來亦偶然到門先看竹未飯且嘗泉曲磴餘  
秋葉深山少世緣年時方釀雪一鉢暫留連

嶺雲重葦山舫詩以落之分得覃韻

滿花居外淨慈南結屋如舟我舊探掃壁數峯原偶爾

余爲山僧

離釣一句此重參

用船子事

不須春水浮晴綠亦趁天風盪蔚

藍截斷衆流忘住相把茅翻笑活埋庵

題南山亭圖

南山山之坊置亭凌空青不假別名字榜曰南山亭鐘聲散  
林杪揭來凡慮醒當年汪孝子枕塊依松扇真氣貫巖石奇  
書出雲屏賢孫思祖德保護煩山靈懸知千載後草木有餘  
馨

壑庵池上納涼

追暑投深壑清風導我游層陰篩薄日涼翠潑高樓山向此  
中寂人於象外幽池邊閒弄水欲去更遲留

篆玉

字讓山西湖南屏萬峯居僧  
著話隨集初集二集三集

晉會經語隨二集序畧曰南屏讓師情內典通儒家言  
書法入能品尤長於詩風骨嶄然其詞淹秀明約有初  
唐劉希夷喬知之盛唐常建劉春虛之風既刻話墜初  
集屬樊榭序而行之購其集者戶限爲折復刻二集而

予序

傅王露話墮三集序略曰余歸田後徙居武林間為一  
二朋好闢入西湖吟社得識嶺雲讓公知為香嚴尊宿  
其詩典趣超  
負不落言詮  
畫漁餘話萬峯釋讓山性耽吟咏余嘗見其五律  
有涼話竟忘久松風不斷吹一聯與得詩禪三昧  
見亭詩話讓山與大恒巨濤同時俱  
能詩卓錫湖上而讓山七絕特佳  
碧溪詩話讀公住南屏手葺山舫落成之日題詩壁間  
者甚夥一時傳為韻事予獲與其門人舟交心舟名  
法喜自號小顛能詩嗜飲嘗手示語墮集一編讀一過  
近聞小有天園紀畧有登南屏絕頂看梅一律云云小  
有天園本名天園墅外山半有南山亭汪氏主人初度  
謝親朋所祝因各於亭傍植一梅為壽梅凡數百本主  
人識其事於亭上今亭已改觀此  
詩存而南山亭之軼事可傳矣

山居雜興

半間破屋綠蘿牽一畝琅玕个萬千如此清幽乾淨地獨畱  
雲與鶴分眠

沿餘不溪入城過法喜寺尋王荆公讀書臺

溪上人家溪上村溪聲不動自朝昏竹籊下瀨頭百里斜日  
沒檐空寺門臺剝讀書名尚在碑殘刻字跡無存青山似識  
消沈意對客蕭然澹不言

赤岸獨步

黃鶴峯陰望不遙興高無待野人招最難認是深邨路賴有  
梅花領過橋

登南屏絕頂看梅

湖波塔影晚蒼蒼如此清遊合記將滿地落花黏蠟屐殘梅  
如雪曬斜陽路無里許出修竹日傾幽尋隔短牆香色可人  
人可共遲留不比我來常

過柴微君

世堂故居

草青青外女蘿長三徑無人已就荒  
燕故低回念寂寞我來  
輾轉感淒涼憶看茗煮松間鼎  
曾撥琴橫竹下牀蟲篆蛛絲  
等閒事年華彈指悟滄桑

過雲居偕柳貢士

溥

訪戴上舍

廷燾

新居

草徧崎嶇路秋蟲住復聲  
伴雲呼不出訪戴樂同行  
只見山當戶竟忘身在城  
沿籬摘青豆大有隱居情

重過佛日寺

寒食常從母踏青  
髻年邨路記曾經  
寺門樹老無花葉  
雲水僧空只草亭  
山色曉來殊可看  
溪聲雨後倍堪聽  
清鐘送我出桐扣  
里許春陰籬豆屏

鮑秀才

詢

招集東湖弄珠樓  
用蘇長公贈曇秀上人韻

送余還西湖卽用原韻留別

兩浙輜軒錄

卷三十九

篆玉

吳

高樓晴敞東湖心蒼烟雜樹交疎林諸公先我艤岸側同話  
水比前游深就中箇無顙公相珠盤互轉才殊像瓶瀉千言  
頃刻成評人我却從無妄放筆大書無惡書虬龍戲空波跳  
珠恍然如獲髻中寶孤篷不虛來當湖湖壩周遭數十里人  
家只隔一帶水夕陽搖出幾漁舟雁影葦花相披靡如斯境  
界當極歡尋詩畱別殊爲難還期明歲重會合關我無待霜  
楓丹

舒明府同游花鴈諸精舍

又添幾點雨霏微消受松風晚不歸涼與故人今月共喜逢  
老衲廿年違泉聲恐放出山去竹影從教向澗圍如此清遊  
豈易得合尋好句紀斜暉

負米圖爲柳貢士

溥作



舉世有母俱有養能以色養十無兩柳子思親千里歸老人  
色喜顧几杖垂垂斂莖白髮疎涓涓幾曲流泉響斗米殷勤  
慙遠表短衣露背腰背盤娛親固在日承歡顯親豈外聲名  
廣此身直欲等鷗鵬燕趙鄉程日來往臆說却爲聽者嗤畫  
餅難飽饑人想

春游月明菴題溫日觀墨葡萄

我前十年過毘陵人家門架三里修長藤阿誰剪取一株來  
硯北溫日觀師依影寫供虬髯僧僧雖月下誤攀摘堆盤馬  
乳空無策墨葉扶疎一壁陰山中下午涼秋夕電穿罅隙晴  
日紅老農助喜雲中龍欲雨不雨盡昏黑鯨魚吸海山搖風  
風風雨雨花時節滿頭瓊珞人如雪猿臂擎空虬弄珠顚顚  
若鬼眼睛凸如是所擬肯我不嘿嘿語句商量酬夕陽滿地

西湖新集卷三  
恣春游花陰幾曲搖扁舟

山居雜興

因循久不過山郊種竹蒔花手自親我固愛閒成懶癖肯將  
幽事轉勞人

南山之北北山南風土人情漸漸諳不但鳥馴雲亦熟夜來  
常護我茅庵

蘇白二堤古梅漸疎近添樹數百株首春大放雪晴月  
上常繫扁舟於段家橋畔疑入衆香國中作詩紀之  
梅本無繁蕊梅老花更疎一樹無幾花香冷花如初乍添數  
百樹如雪彌空虛扁舟載我至獨鶴游僧廬無言澹相對心  
與梅花如

上巳日同人展顧月田先生墓兼修禊事

喜得雨乍霽水漲春波澄羣山淨如沐蘊蘊青峽嶠萬物欣  
有遂嘉我同游朋感茲今視昔千古如相承扁舟裏湖泊細  
路郊西塍故人墓在斯已憶三來曾深杯酌荒多情與草木  
增躊躇夕陽下一笠南山僧

范忠貞公裏湖勾留處看荷花憶與程中丞

元章

王觀

察鈞游止茲亭忽忽廿餘年矣追念舊遊感而有作  
菰蔣獵獵柳絲輕篷背難逢是雨聲持帶密邇箇緩下荷香  
疎處艇堪橫空亭任客自來去好鳥多情解送迎曾與故人  
當日共風流雲散廿年情

成鑑

字大圖號秋泉潮鳴寺僧

奉贈堇浦先生

謝絕高軒過閒居小巷幽頻添爭奕興全沒罷官愁酒不因

僧戒詩還選客酬惟餘懶殘輩心跡恰相投

實懿

字恭文號雲巢杭州雲居寺僧著雲巢詩稿

觀中峯祖師麻履同黃徵君松石柳貢士潔夫及大恒

護山兩尊宿分韻

淨土詩已傳

師有淨土詩百八首遺脫更雙履異哉九尺軀却長足兩

尺

寺誌師身長九尺六寸

不似初祖來面壁雙全兩西歸僅留一

公案孰非是默向箇中參未能窺奧旨了悟空諸有不得作

履視況已數百年存亦偶然耳爲報雲居侶高跡徒仰止

少林攜履歸而日本來是可東亦可西一彼復一此中峯起

東城佛坐心頭葉心心印佛禪萬法空流水况乃麻履雙委

棄如敝蹤人無出世觀認作中峯履中峯自中峯麻履自麻

履中峯視麻履麻履真淨靴麻履視中峯中峯負遠矣

雨後金江聲朱鹿田許初觀杭堇浦丁敬身戴鵬亭施  
竹田范容安吳鷗亭諸先生焚虛齋心嶺雲和上集

雲居望湖上諸山

新霽晚涼生野水亂流瀉薰風自南來披拂葡萄架蒼英來  
叩關冷形不須迂相引望林溪談情憐休暇湖分一角明烟  
忽四山卸照眼翠如洗參差露臺榭隱隱南屏鐘清韻落茅  
舍庶慮久蠲除恬吟樂無價鳴蟬曳斜暉深壑冷九夏還伴  
閒雲眠參盡雲變化

水明樓望綠陰同戴鵬亭王蓉江作

山光樹色蔓藤蘿影入寒潭漾碧波遮遍夕陽清景密蔭來  
茅屋晚涼多煙痕老處春先去翠浪開時鳥忽過幾度尋思  
描不得七弦橫撫寫青螺

南屏萬峯山房同嶺雲作

團團笠影上莓苔曲徑門當籬落開春寺半隨湖霧隱曉鐘  
都度柳煙來茗甌憶與謙師鬪詩社閒從惠遠裁聽雨最稱  
山舫好黃梅重擬到香臺

清明日遊感花巖

在郡城紫陽山之陽

短筇得得傍松根踏遍山峯碧蘚痕莎徑晴雲移覆屋山城  
煙柳亂遮門巖花開謝人垂老石字摩挲畫欲昏際此春光  
應共惜坡公遺跡有誰論

題寒山舊廬次桐城張文端公壁間原韻簡陸丈芑洲

機雲風韻見林邱圓笠方袍取次遊繞屋煙轡都入畫撲窗  
晴翠半垂樓閒搜壁句供人賞時聽潮聲抱郭流相隔一峯  
行徑便聯吟好與罄清愁

閩重九同護山漏雲登疊翠亭故址分韻

閩九重憐菊攜筇到屋西青涵山不斷紅映日初低亭廢常  
甯蹟僧閒各有題低回頻不厭老我在招提

冬廿山中話舊

屏息塵緣似鹿門客來曠背喜朝曦偶開雲牖邀寒照同上

山樓看雪痕冀北詩豪歸白社江南草聖共清楞

訓導夫秋  
波兩先生

更憐聚散擲沙似剪紙雞招舊雨魂

社中江聲鹿山前輩黃  
松石王麟徵施竹田諸

公俱  
下世

曩昔交遊僕指論風流雲散祇荒村梅花繞屋香侵夢雪影  
連山冷閉門懶慣轉多詩債積老憐漸少故人存流光暗裏  
催華髮鐘打南屏日又昏

得信

字恬菴錢唐人仕烏石峰後  
住太倉興福寺著蓮徒詩鈔

金山

片石中流踞浮雲絕頂生一江天示險千里浪難平昨夜颿  
花雨當年駐甲兵神龍眠未起坐眺石頭城

東范用賓次來韻

慧遠曾招雷次宗東鄰遺跡薜苔封我今復舉蓮花社君但  
來登鳥石峰白日空堂觀止水黃昏小閣聽疎鐘巖前莫怪  
多風雨松老時時欲化龍

明乾

號二慙道人杭州僧

吳樹虛序畧曰清照慈公明乾早歲卽以開悟能詩知  
名及人都磨不世之遇連據法海拈華萬壽三席京師  
號人海遂以清蒼古勁之句屢簡應酬贈炙人口旣而  
勇退南旋一樓一閣仍我故處支破鐵鐺煥炳容詣其  
室叩之不磨而于所知文墨人稍稍有寄答之作自常  
寂後門人實登等搜諸敗書殘紙中及交遊所獲百餘  
首乞晴江居士熊定而付梓焉題曰二慙道人別錄



春寒

微雪開初霽，餘雲釀薄寒。不眠知夜永，多病怯衣單。艸色平鋪地，花枝重壓欄。明朝風日好，有約步江干。

登樓

病來猶自強登樓，樓下長川水急流。拋徑榆錢三月暮，沾泥柳絮一心休。春風野店搖青幟，落日官橋繫畫舟。自覺此身居物外，流光付與少年游。

中秋夜泊武城同崔錢江周端人孫龍光鄭天飛程端民諸居士作

河上仙槎天際乘，順流飛度隔層層。弦歌響遏中秋月，詩酒人圍半夜燈。破浪君皆釣鼉客，歸山我是打包僧。萍踪落落難重會，石上因緣結未曾。

淨泓

字爾森號篋江

與錢鼎壽春庵僧  
同時倡和常集其庵  
圓寂後徒孫蒼亭拾  
其遺稿鈔成  
一冊辛卯九月吳丈  
西林魏柳洲胡詩培  
陳蕙堂孫半  
峯項秋子及余凡七  
人吟集庵中得見詩  
冊錄存一首

洗心閣曉坐

樹掛銅鉦射竹扉  
赤標米斂敞晨衣  
山含宿雨翠猶滴  
松島炊烟濕不飛  
境可移情常結想  
家無定宅欲忘歸  
何當經始開初地  
資我三閭老翠微

寶月

字智朗又字漁陸  
鎮山僧住南欄理安  
著南欄吟草一卷

孤山

辭榮辱不來處  
靜動無擾吟詩寫  
幽意生計任草草  
百樹孤山梅千春  
以終老白鶴有時  
歸明月照華表

曉過西湖

月嵌雙峯露未晡六橋欸乃放舟歸花眼柳暉鳥聲寂尙未  
遊塵作霧飛

送福祥禪人歸楚

千里雲山杖一枝尋師不憚路艱危帆隨湘轉歸偏遠雁傍  
峯迴到定遲他日拈花同供佛幾時擊鉢更吟詩一言相贈  
須牢記碗子無心好護持

示金生鼎鉉二首

七情五欲誰無有但看生從甚處來撥土尋根根又斫再無  
枝葉惹塵埃

一點靈機活潑時六根門戶任施爲深紅淺白花千樣總是  
春風次第吹

陪歐亭西林南徐在茲焚虛讓山大悲庵修禊

因祈酒千家

卷三十九 淨弘寶月

七

東風入村落花柳紛無數禽聲復和柔枝間啼不住前事微  
祓除少長咸相赴澹沲溪上水曲折莎昨路欣欣意各得敷  
坐依古樹廉纖雨急飛點點花上聚春衫誰復惜沾濕亦多  
趣清池動漣漪開軒席重布盤餐雜蔬筍真味得清素食罷  
引毫甌臨風句同賦但追蘭亭賢肯羨伏家富誰云春日遲  
庭景又將暮一笑共云歸前林起烟霧

絕句

一春九十日強半雨風吹棠梨花謝了說與牡丹知

見賢

一名際賢字省凡更字省齋俗姓陳烏程人天竺見心房僧

碧溪詩話見賢家於烏鎮年六七時來皈依天竺白雲之見心山房十八歲受度於心持師五十二示寂工詩苦書予每月朔詣上竺進香輒坐山房與師茶話論詩良久而別如是者二十餘年予嘗借嚴古緜王六四造訪兩公亦與交善古緜病歿前有畫冊末一幅但有山痕數筆未經就染予乞師補成珍藏於家未幾屋燬于

大詩集不存可憾也著詩一冊  
自題曰靜中自笑當乞予改定

暮秋有感

山覺秋容瘦蕭蕭萬木殘霜催松耐翠風妬菊禁寒性懶逢  
人拙才疎閱世難天將消息寄付與有心看

寶寧

字道可一字心園  
仁和報國院僧

伏日喜張妙峰解元過訪

豎議值張譏炎威焰烈時一靈瑩艷雪八解浴清池瓜蔓綠  
深淺蓮衣紅蓼差雲峰釀雨黑消得酒如緇

明翹

字楚木仁和報國  
院僧著晚楓閣詩

雜吟

層層煙水泛流霞海濶天空路轉賒豈意月明霜露下夜來  
依舊臥蘆花

垂老棲遲白石巖了無一法別仙凡年來懶與人間事月落

秋池花滿衫

徐斗支

字梁父嘉興萬壽宮道士著蜀道吟荆南雜詠

歸舟寄朱子菴

春江自蜀來半是岷峨雪千里下江陵山山響鷓鴣

陳

泓字白浮嘉興萬壽宮道士著柳海居詩集

寄鄭子嶺

暇日相期蕭寺東別時三月已秋風朝來載鶴船人報極浦

芙蓉幾處紅

陸

微號松間道人平湖道士著松間道人拾遺稿

早起

披衣猶見月對影一婆娑人事如雲亂松風向曉多疎星沈

碧落哀雁寫銀河笑把山鐘打其如熱夢何

施遠恩

字魯瞻法名冲暉仁和人吳山

杭州府志遠恩十歲有出塵想依族叔允文於吳山長

世宗憲皇帝賜題賦詩稱

有援龍虎山吳點十餘年歸故山乾隆乙巳夏大旱登夢祈

雨甘霖三日後屢著輒驗丁亥冬

羽化邑人萬福刊其環山房詩

晴

積雨喜初霽江樓望愈賒碧歸湖上柳紅入嶺頭霞把酒懷  
同調臨風數落花晚來閒步履新月到山家

環山房

風花香暖滿林邱四面溪山足臥遊雞犬何心來舐藥雲霞  
有意欲遮樓巖前樹影重重積竹裏泉聲細細流秘笈閒緇  
忘歲月是中消盡古今愁

秋興

愁破方知酒有功  
酒盃盡日不教空  
飄蕭敗葉千山雨  
零亂寒花一徑風  
小摘晚菰含露碧  
試嘗新橘帶霜紅  
閒中自有消閒趣  
底用磯邊理釣筒

龍虎山早秋

上清花木記深幽  
老桂婆娑報早秋  
露冷草蟲鳴四壁  
月明桐葉墜層樓  
雷壇樹色當窗出  
丹井泉香繞石流  
林壑寂寥龍虎伏  
巖前惟見紫雲浮

大光明殿步虛詞

巍巍金闕聳瑤天  
羽蓋珠輪滿大千  
慚愧野人憐散甚  
侍香親到玉皇前

誦徹琅函玉笈文  
月華如水夜初分  
琉璃世界通明殿  
香氣



蒸成五色雲

洞闕瓊瓏網戶開金虬導我玉京回道入報

國無他願只祝風調雨順來

老桂行

階前雙桂高百尺勢凌霄漢根盤石露染鵝黃一片秋枝頭  
簇簇圓香雪不隨桃李鬪春工玉綴玲瓏蔭瑤席花時供我  
日日吟劉啄尋香有來客一從訪道西江遊夢繞吳山悵睽  
隔忽忽烟霜十六更樹應健在人非昔去秋賦歸來喜見舊  
標格花繁粒粒金葉展重重碧一尊濃醪酌花神與爾周旋  
仍日夕桂兮桂兮誓將相守不相離老向山中甘遯跡

老樸行

環山百年樹其名曰沙樸婆娑烟雨姿樾蔭到鄰屋具茲于

得材應入工師目託根不得地遠棄在南服繩尺恐難施擁  
腫更卷曲鴟鵂巢其顛螻蟻穴其腹生意良已盡雨露非不  
渥未充梁棟選頗避斧斤斲安知終天年非以不材福至哉

莊生言寧甘老荒谷

王

蘅

字湘艸號鶴巢居蘆

嘉興府志蘅工詩文善書法其人馴雅絕俗嘗慕湘中  
山水荷軒曰吾山清響張徵君庚繪圖一時諸名士俱  
為題詠錢侍郎汝誠稱  
禾中方外無出其右者

送春

麗日紅霞爛錦茵濃和花氣欲熏人  
聲聲鴉鵂催歸急止勝  
今朝一日春

夏日幽居書事

野岸橫橋是我家疎枝牆角老梅遮  
貧時過午方炊飯倦到

拋書且灌花水長菰蒲藏睡鳥草深堦砌出鳴蛙身閒自喜  
洞無事一枕羲皇日未斜

錢一清

錢唐吳山喜  
神廟道士

洞霄宮懷古

落日照松竹山中風氣寒我來頻弔古誰與其還丹撫掌泉  
心澹舞蛟亭翠殘可憐爲國客當日盡仙官

鄧志喜時出陳君鏡板勤

元道士鄧牧心著洞霄圖志不傳  
已久今四庫採輯全書得副木

本宮道士陳仁地靈原首望

洞霄宮在宋時爲  
天下宮觀之首

天柱更三分

天有八柱其三在  
中國餘抗其一也沒骨難尋簞無心且看雲大丹如易與妙  
道不事文

林朝陽

字鳳山天  
台山道士

題揚州洪氏固樹樓

雨晴

題揚州洪氏固樹樓

卷三十九

卷

青海洪源宅花因節孝傳母垂慈奕世孫仰庇重天樹醒超  
凡劫樓成儼列仙幾多騎鶴客臨眺渺蒼烟